



सानसेयारि 'बड'सा' खरीरालाइयाव
समाज्यादि जिउजो लोखा थावाय रायथाय, खन्थाय,
सल', सल'बाथा आरु हावबायादि थावनि, पार्क
बाइदिनि स्यायव लिउनाय लिउबाइ दैथाय ठर!
सानसेयारि 'बड'सा' खरीरालाइया सेबरानाव
फोसावगोल।
बड'सायाव लिउठरनायवि ठुबा खालाम,
'बड'सा' खरी नोथां, जो बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिदिसि-783370
Website: www.bodosanewspaper.com

★ BODOSA ★ A Bodo News Daily ★ Saturday ★ 11 May, 2024 Kokrajhar, BTC, Assam ★ Vol.- 34, Issue No. 45 ★ R.N.I. Regd.No. 40994/91, Assam Govt. Regd.No. IPRD. 40/2006/3, ★ Rs.8/-

शिलचर रामनगर आइएसबिटिनिफ्राय 3 कोटि रॉनि हिइन बोखांदों

गुवाहाटी, 10 मे: ड्रग्सनि हेंथायै
गोखों हाबाफारि सामलायनायाव
काछर पुलिसआ फिन जाफुंसार
जानायखौ नुनो मोन्दों। शिलचरनि
रामनगर आइएसबिटिनिफ्राय
मोनायाव गोखों सिग्रोमनायनि
गेजेरजों 3 कोटि रॉनि हिइन
बोखांदों हायो। गोबां साबुननि
बाक्सुनिफ्राय हिइन बोखांदों हादों
होना पुलिसआ फोसामयो। हिइन
दैथायनायजों लोखा थानायनि
(□ 5 बिलाइआव)

सानै बिसि-फिसाइ फोरोंगिरिआ 3 थाखो बिल्डिनिफ्राय बाजुमदों

शिवसागर, 10 मे: शिवसागरनि
डिमौ कुचल लामायाव मोनसे
गिखथाव जाथाय जानायनि खौरां
मोन्नाय जादों। डिमौ पुलिस
थानानि बेंखनाव थानाय कुचल
लामानि मोनसे 3 थाखोनि
बिल्डिनि 1थि थाखोनिफ्राय जरसे
बिसि-फिसाइ फोरोंगिरिआ
बिल्डिनिफ्राय बाजुमनायनि खौरां
मोन्नाय जादों। बे जरसे बिसि-
फिसाइ फोरोंगिरिआ अमप्रकाश
गस्वामीनि बिल्डिनिआव भार थाप्रा
महैर दंमोन। सानैखौबो गोब्राब
थासारियाव डिमौ आदरश देहा
फाहामसालियाव थिसन्याय जायो।
मा जाहोननि थाखाय बेबायदि
गिखथाव लामाखौ लानो गोनां
जाखो बेखौ दासिमबो मिबथिनो
(□ 5 बिलाइआव)

एलप्रिजा मुसाहारिआ एम आइ एल (बड') आयदायाव जिल्लानि गेजेराव बयनिखुइबो बांसिन नम्बर लाखिदों



गसाइगाव, 10 मे: आसाम गोजौसिन गेजेरारि सोल्लोथाइ काउन्सिलआ
मैया फोसावनाय गोजौसिन गेजेरारि फरायसालिनि जोबथा आन्जादआव
गसाइगाव सदर सहरआव थानाय गसाइगाव साइन्स एकाडेमिआव आर्टस
बिफानआव एलप्रिजा मुसाहारिआ 93
(□ 5 बिलाइआव)

काछरआव पुलिसआ ड्रग्स फालांगिरिखौ गुलि गावदों

गुवाहाटी, 10 मे: काछर पुलिस
बिफानआ ड्रग्सनि हेंथायै
नायबिजिसनायखौ गोखोंनिफ्राय
गोखोंसिन खालामनायखौ नुनो
मोन्दों। काछरनि थलाइ
सनिघाटआव ड्रग्स फालांगिरिखौ
थांखिनानै पुलिसआ गुलि गावदों।
मोनसे खोद सुल्लुखौ बिथा
खालामनानै मोनाबिलिआव
शिलचर-आइजल फोनांजाब
माहारियारि राजा लामानि काछरनि
(□ 5 बिलाइआव)

बिफा गैयै अजय पालआ हानि साखि बानायना गुण गोनाइः गोजौसिन गेजेरारि जोबथा आन्जादयाव सेथि थाखायाव उथिसारनो हादों

कलाइगाव, 10 मे: सासे दुखुथिया फरायसा, बनि मुड अजय
पाल। बिफानि मोखां नुनो मोने बि फरायसानि खामानि मावनाय,
दुखुखौ नुनो मोनोव्वा बयबो दुखुजों मेगनाव मोदे ओंखारगोन।
आथिखालाव बि हौवासाया बिमाजों लोगोसे बिमायनि न'आवने
थायो। मख'नो गोनादि, बावैसो फोसावजानाय गोजौसिन गेजेरारि
जोबथा आन्जादयाव कलाइगाव गोजौसिन गेजेरारि
फरायसालिनिफ्राय सेथि थोखायाव मोनै आयदायाव लेटर मार्क
लानानै उथिसारनायाव फरायसालिनि गोरयुं जयन्त सहरियारजों
लोगोसे फरायसालिनि फोरोंगिरि आफादआ मोजां हास्थायनानै
बाखायदों। मख'नो गोनादि, बिटिआरनि उदालगुरि जिल्लानि
सिडव थानाय कलाइगाव
(□ 5 बिलाइआव)

सोनाब बेंगल राज्योआव लकसभा बिसायख 'थिनि फोसावदिनाय हाबाफारियाव गिबि मन्थि ड० शर्मा

ममता बेनार्जिआ बेंगलखौ जाख्ल 'गासिनो दडः गिबि मन्थि

कलकाता, 10 मे: आसामनि
गिबि मन्थि ड० हिमन्त बिश्व
शर्माआ आसामनि सेथि, नैथि
आरो थामथि खोलोबनि लकसभा
बिसायख 'थि जोबखांनयाव लोगो-
लोगोनी हादतनि गुबुन गुबुन
हादाबसाफोराव खुंफुजानो गोनां
लकसभानि बिसायख 'थिनि
फोसावदिनाय हाबाफारियाव मेगा
केम्पेनार महैर बाहागो लाहैनायखौ
नुनो मोन्दों। गिबि मन्थि ड०
शर्माआ सोनाब बंगनि गुबुन गुबुन
ओन्सोलफोराव लकसभानि
बिसायख 'थि फोसावदिनाय
बाहागो लानानै सोनाब बंगनि गिबि



मन्थि ममता बेनार्जिखौ गोखों
खजों सोंखारिनायखौ नुनो मोन्दों।
गिबि मन्थि आ बेनार्जिनि सायाव
चन्देश कालिनि
नायबिजिसरनायखौ लानानै
जाख्ल 'नाय आरो गोरोंथि लामाजों
दैदेनायनि गोखों अजद देखदों।
गिबि मन्थि शर्माआ सोनाब बंगनि
गिबि मन्थि ममता बेनार्जिखौ
बेंगलखौ लुथिगासिनो दड होना
सोंखारिनायखौ नुनो मोन्दों।
साखिनि मुडाव रां लायोव्वा
ममतानि थाखाय बेयो जेबो दाय
जाया। नाथाय हादतनि नेमखन्थि
(□ 5 बिलाइआव)

सा-सान्जा राइज्योआव दावबाय बिफानखौ जौगाहोनो टास्क फर्सआ बिगियान भवनआव जथुमदों

गोदान दिल्ली, 10 मे: सा-
सान्जा राइज्योआव दावबाय
बिफानखौ जौगाहोनो टास्क फर्सआ



5थि जथुममाखौ गोदान दिल्लीनि
बिगियान भवनआव खुंफुनायखौ
नुनो मोन्दों। बे

सावरायज्जलायनायाव दावबाय
बिफानखौ सा-सान्जा राइज्योआव
जौगाखों होनो थाखाय थाथायआरि
दाफुनाय, फोरोंथाइनि राहाफोर,
हाथायनि राहा आरो
फोसावदिनायनि सायाव गुवारे
सावरायज्जलायनायखौ नुनो मोन्दों।
बे हाबाफारियाव गासै मोन 8 सा-
सान्जा राइज्योनि हादाबसाफोर
जैरे- आसाम, अरुणाचल प्रदेश,
मेघालया, मनिपुर, मिजोरम,
नागालेन्ड, सिक्किम आरो
(□ 5 बिलाइआव)

अरबिन्द केजरिवालआ गोजौसिन बिजिसालिनिफ्राय जामिन मोनबाय

1 40 कोटि सुबुंफोरा इनायनि हेंथायै जुजिनांगोनः केजरिवाल

गोदान दिल्ली, 10 मे:
जोबथेसालिनि थालाआ बायबाय,
केजरिवालआबो दिने गबाय।
अरबिन्द केजरिवालखौ गोजौसिन
बिजिसालिया दिने आगु जामिन
होनायनि उनावनो टिहार
जोबथेसालिनि बाइजोआव आम
आदमी पार्टीनि सोद्रोमाफोरजों
लोगोसे अरबिन्द केजरिवालनि
अन्साइगिरिफोर 'जेल के ताले तुत



गए, केजरिवाल सुत गए' बे
स्ल 'गानजों हा-अखां बार गोमखां
होनायखौ नुनो मोन्दों।
अन्साइगिरिफोरा, दोलोनि
मावफरियाफोय बेबायदि स्ल 'गान
होनायनि गेजेराववो दिने
मोनाबिलिआव टिहार
जोबथेसालिनिफ्राय दिल्लीनि जो
खेलें'खारिआव हमजानो गोनां
(□ 5 बिलाइआव)

ककाझार, 10 मे: फेयै फेयै 15 बोसेर आबु जाबाय लोर्गि थियेटार गुप हारिमु हान्जाया। थॉनय 2009 ई माइथायाव गाइसनजानाय लोरगि थियेटार गुपनि 15 थि गाइसन्थाय सानखौ दिने 10 मे अक्टुखालि फालिनाय जायो। लोर्गि थियेटार गुपनि 15 थि गाइसन्थाय सान फालिनायजों लोगोसेनो 2024 माइथायनि मेट्रिक आरो हायार सेकेन्डारि जोबथा आन्जादआव उथिनाय फरायसाफोरखौ बरायो। कक्राझार सहरनि सोनाब फासं चान्दामारियाव थानाय लोर्गि थियेटार गुपनि 15 थि गाइसन्थाय सानखौ दिने लोर्गि थियेटार गुपनि

भेरागाव दखरा एबसुआ बर' बिजोंडव फरायनानै मेट्रिक आन्जादआव 10 थि मासि आवग्रिनो हानाय फरायसाफोरखौ बरायदों

फरायसा समाव फरायनायखौ नागारनानै उन्दुनायखौल' गोसो होयोव्वा जिउआव माब्लाबाबो गोजोनै उन्दुनो हानाय नडः सोमावसार बसुमतारि

उदालगुरि, 10 मे: उदालगुरि
जिल्लानि सिडव थानाय भेरागाव
दखरा दुलाराय बर' फरायसा
आफादआ गुबुन बोसेरफोराव
खुंफुनाय बायदियेनो देलायबो
बर' बिजोंडव फरायनानै सेथि
मासियाव उथिनानै दखरानि
गेजेराववो 10 थि मासि आवग्रिनो
हानाय फरायसाफोरखौ दिने



उदालगुरि जिल्लानि सिडव थानाय
भेरागाव हालामनि महकुमा बिजाव
बाखिनि नव्वांआव सानसेनि मेहेर
गोनां हाबाफारिजों बरायो।
बरायनाय हाबाफारिआव भेरागाव
दखरा एबसुनि आफादगिरि नगेन
बर'आ सामब्लायनाय मेलखौ
बेखेवानै होयो भेरागाव महकुमा
(□ 5 बिलाइआव)

सालबारिनि एलेंमारियाव ड्रग्सजों लोगोसे सानै सुबुंखौ हमदों



सालबारि, 10 मे: बाक्सा जिल्ला सालबारि महकुमानि सिडव थानाय
गबर्धना पुलिस थाना ओन्सोलनि एलेंमारियाव थॉनय हराव जायगानि
राइजो-राजाफोरा ड्रग्स सुरां फालांगि सानै सुबुंखौ हमनानै पुलिसनो
गथायना होदों। बिसोर सानै सुबुंफोरा
(□ 5 बिलाइआव)

ककाझार, 10 मे: फेयै फेयै 15 बोसेर आबु जाबाय लोर्गि थियेटार गुप हारिमु हान्जाया। थॉनय 2009 ई माइथायाव गाइसनजानाय लोरगि थियेटार गुपनि 15 थि गाइसन्थाय सानखौ दिने 10 मे अक्टुखालि फालिनाय जायो। लोर्गि थियेटार गुपनि 15 थि गाइसन्थाय सान फालिनायजों लोगोसेनो 2024 माइथायनि मेट्रिक आरो हायार सेकेन्डारि जोबथा आन्जादआव उथिनाय फरायसाफोरखौ बरायो। कक्राझार सहरनि सोनाब फासं चान्दामारियाव थानाय लोर्गि थियेटार गुपनि 15 थि गाइसन्थाय सानखौ दिने लोर्गि थियेटार गुपनि

पिएइसडि डिग्रि मोनो हानाय लिमि कुइन बसुमतारि आरो इयार हस्तेसआव साखि मोनो हानाय बिक्त रिखा बसुमतारिखौ बरायदों



बसुमतारि आरो माखासे सान
सिगाडव इयार हस्तेसआव साखि
मोनो हानाय बिक्त रिखा
बसुमतारिखौ दिने आंगो गामि
जागुरियाव जारगुरि सर्वजननि
(□ 5 बिलाइआव)

तामुलपुराव फैगौ दैबानाखौ लानानै सावराय जथुम खुंदों

तामुलपुर, 10 मे: गोदानै
दाजानाय तामुलपुर जिल्लानि
जिल्ला बेंगिरि मावखुलिनि
मेल जथुमसालियाव दिने दै
बानानि सोमोन्दै मोनसे
सावराय मेल खुंनया जादों।
मेलयाव मोनसे दोलोजों
लोगोसे रिभेनिउ आरो
अलकद सामलायथाय
बिफाननि जुथाय नेहाथारि
सत्यजित चेटिया (एपिएस)



आ बाहागो लाफेदों। खुंजानाय
मेलखौ तामुलपुर जिल्ला बेंगिरि
बिद्युत बिकास भागबति
(एसिएस) बिथाड गुबुन
गुबुन बिफाननि बिबानगिरि
(□ 5 बिलाइआव)

बकाजानआव हाथियारजों लोगोसे सा 5 सुबुंखौ हमदों

गुवाहाटी, 10 मे: बकाजानआव
हाथियार आरो गोथां गुलि बोखांनो
हानायजों लोगोसे सा 5 सुबुंफोरखौ
हमनो हादों होना खौरां मोनाय
जादों। बृहस्पतिवार मोनायाव
बकाजान पुलिसआ बेफोर
गुलिफोरखौ बोखांनो हादों। पुलिस
आरो सिआरिपिएफनि गोखों
नायबिजिसरनायाव हाथियारजों
लोगोसे गुलिफोरखौ बोखांनो हायो।
कतकतिनि कालिराम बरिस्टिनि
गोदानै लुफुंजानाय त्रै मोखाडरि
लामानि साखाथियाव थानाय रेलवे
दालांनि गाहायाव बे
नायबिजिसरनायखौ
(□ 5 बिलाइआव)

लोरगि थियेटार गुपआ 15 थि गाइसन्थाय सान फालिदों

कक्राझार, 10 मे: फेयै फेयै 15
बोसेर आबु जाबाय लोर्गि थियेटार
गुप हारिमु हान्जाया। थॉनय 2009
ई माइथायाव गाइसनजानाय लोरगि
थियेटार गुपनि 15 थि गाइसन्थाय
सानखौ दिने 10 मे अक्टुखालि
फालिनाय जायो। लोर्गि थियेटार
गुपनि 15 थि गाइसन्थाय सान
फालिनायजों लोगोसेनो 2024
माइथायनि मेट्रिक आरो हायार
सेकेन्डारि जोबथा आन्जादआव
उथिनाय फरायसाफोरखौ बरायो।
कक्राझार सहरनि सोनाब फासं
चान्दामारियाव थानाय लोर्गि
थियेटार गुपनि 15 थि गाइसन्थाय
सानखौ दिने लोर्गि थियेटार गुपनि



जायो। गाइसन्थाय सान
फालिथायनि हाबाफारि बायदियै
फुंभिलि समाव लोर्गि थियेटार गुपनि
फिरफालाखौ बिरहोयो आफादनि
आफादगिरि सोमदोन ब्रह्मआ।
बेनि उनाव जोनोम साननि केक
हानाय जायो। लोरगि थियेटार गुपनि
गाहाइ नेहाथारि सन्जिब कुमार
ब्रह्मनि मासि सामलायनायाव
लोर्गि थियेटार गुपआव खामानि
मावनाय मेट्रिक आरो हायार
सेकेन्डारि आन्जादआव उथिनाय
फरायसाफोरखौबो बरायनाय
जायो। हाबाफारियाव
हांख्रायजानाय बायदियै गाहाइ
(□ 5 बिलाइआव)

कक्राझारआव लक अदालत खुंगोन

कक्राझार, 10 मे: कक्राझार
जिल्ला आयेनारि सिबिथाय
बिबानगिरि, कक्राझारआ गावजों
गाव गनायथिनि गेजेरजों
थाबथानानै थानाय केसफोरखौ
गोखे सुसोनो थाखाय सनिवार 11
मेखालि जिल्ला न्याय बिफान,
कक्राझार आरो लेखइ-खेन्दीआरि
जुडिसियेल मेजिस्ट्रेट बिजिसरालि,
गसाइगांविनि बिजिसरालिनि
आवथायाव लोक अदालत खुंगोन।
खौरांगिरिफोरनि सिगाडव जिल्ला
(□ 5 बिलाइआव)

सुजुगिरिनि खोलोम जाफुनायनि थुलुंगा

नाजानाय थयोब्ला जिउआव जाफुङ्गेनि जेबो जाहोन थानो हाया। गोखोडे गोसो होसारनाई सिगांफासै आवगायलानो गोसोआव थांखि लायोब्ला बे थांखिसिम सौहेनायाव जाफुङ्गेनि बाधा फेनो हाया। थांखि लानाया दिदोमब्ला दिने नडा गाबोन जाफुनाया फेखागोन। नाजानायनि फिथायखौ सानसेआवनो मोनो हास्थयोब्ला बेनि फिथायआ गोसो जायाबो जानो हागौ। थांखिया जेसेबांखि गिदित आरो गोब्राब जायामानो, गोसो होसारनाई नाजालांवाय थयोब्ला सानसे नडा सानसे जाफुनायनि फिथायखौ मोनहेखागोन। बेसेबा गोलाव सम उन गोसोसोनाने थानाय विटिआर ओन्सोला रांखांन्थि, राजखांन्थि, समाजआरि बिथिन्फ्राय लानाने सोलौंथायावबो रङ्ग्योनि गुबुन गुबुन ओन्सोलफोरनि रुजुनायाव बयनिखुइबो उन जानाने थालानायमोन। आथिखाल नाथाय बे थासांरियाव सोलायनाय फेनायखौ जौं बयबो नुनो मोनबाय। सोलायनाय फेनायाव सिगांफोथे ओन्सोलाव गोजोन थासांरिनि बार बासायखौ रयखांनगोन। ओन्सोलाव गोजोन थासांरि नैथेनि थाखायनो फाफ्रोमबो बिथिङ्गवनो उन जानाने जौगानो लामा मोनै जानादोमोन। ओन्सोलाव आथिखाल गोजोन थासांरिनि बार बासायखौयनो गुबुन आयदाफोरनो लोमोसे सोलौंथाय बिथिङ्गवनो जौगानो लामा लानायखौ नुनो मोननाय जाबाय। सोलौंथायजौं लोमोसे गुबुन गुबुन माहारियारि आरो रङ्ग्योयारि थाखोनि बादायारि आन्जादफोरबो सानफा एफा गोबां अन्जिमाथै उथिसारनो हानाने ओन्सोलनि मुं लाखिनाने जाफुनाय मोनो हाबाय। ओन्सोलनि मुं आञ्जिनयल' नडा, जौगा माननि थानाने थानायनि राहा-लामाबो जौनि लाइमोनफोर मोनो हाबाय। ओन्सोलाव गोजोन थासांरि फेनामोनब्ला बेफोर जाफुसांरनायखौ मोनहेनो गोलाव सम नेबावनो गोनां जागोमोन बिटिआर ओन्सोलनि लाइमोनफोर। दिने गोजोन थासांरि फेनायजौं लोमोसेनो जौगाथाय हाबाहुखा आरो सोलौंथाय फोथारव मैखोमे सोलायनाय फेनायखौ नुनो मोननाय जाबाय।

सोलौंथाय फोथारव बयनिखुइबो उन जालानाय बिटिआर ओन्सोला गोजोन थासांरि फेनायनि उन्निफ्रायनो लासे लासेथे मोजां फासै जौगाबोनायखौ नुनो मोननाय जाबाय। माखासे बोसोरनिफ्रायनो सोलौंथायाव दावखोबोनाने थानाय बोसोरनि मेट्रिकनि फाइनाल आन्जादयाव गोसोसोनाने बिटिआर ओन्सोलनि जिल्लानिफ्राय लांन्थियै खेबने रङ्ग्योनि गेजेरवनो बांसिन् उथिसारनो हानाने फारिलाइनि सिगांसिन् मासिखौ आवग्रिनो हानाय जाबाय। बे रोखोमेनो देरलायनि हायार सेकेन्डरि जोबथा फाइनाल आन्जादयावबो बिटिआर ओन्सोलनि दरने जिल्लाय उथिसारनाय जौखोन्दोयाव रङ्ग्योनि गेजेरवनो जौसिन् जायगा लानाने मुं आञ्जिनो हानाय जाबाय। सिगांफोर समाव सिगांबादि सान्नाय आरो नुहरनाय हाबाया आथिखाल मोखथां महरवनो नुजाफेबाय। ओन्सोलाव गोजोन थासांरि लाबोनायजौल' जौगानायखौ मिजिं लानो हाथावना नडा, लोमोसे राहा खाबु होनायनि थाखायबो खुंथाया लाइमोनफोरनो लामा होनो हानांगोन, अब्लासो लाइमोनफोर गावबा गावनि थांखि होसोनो हानाय जागोन। आथिखालनि ओन्सोलारि खुंथाया गोजोन थासांरि लाबोनायजौं लोमोसे गुबुन गुबुन जौगालु हाबा, बिथांखिफोर लानाय बादिनो सोलौंथायनि फासै जर'खा राहाफारि लानायनि थाखाय गोबां लाइमोनफोर बादायारि आन्जादफोरव जिग्रयनो खाबु मोनो हानाय जादो आरो खायफाय मोजां फिथाय मोनाने जाफुनायखौबो जौं नुनो मोन्दो। सरकारि खाबुफोरखौ लानाने थयोब्ला' जानाय नडा, बेनि गोसो फिथाय थयहोनोबो नाजानाया थाथासांरानो गोन। अब्लासो गावनि थानाने थानायनि लामा मोननायजौं लोमोसे ओन्सोलनि मुं लाखिनय आरो फेगासिनो थानाय इयुन हान्जाफोरनोबो थुलुंगा होनाने सिगां फासै दावखोलानायव मदत फेगोन।

दिनेनि फान्जामुथि

राशि बाइदियै मुनि गिबि हांखो

मेष : अ ल बृष : ऊ ब (उ ए इ) मिथुन : क छ (ड ङ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेष: माबाफोर मोननायनि सुजुग-सुबिदा मोनो हागौ। बे राशिनि थाखाय गाहाम सान।

बृष: जेखियानो जाया रं खर'सा खालामनाया बांगोन। गोसो ह्यमथानाया गाहाम।

मिथुन: मोजां रंग'थि जानो हानायनि सन्मान मोनो हागोन। गोजोन्नाय मोनगोन। मोजां सान।

कर्कट: मानिबा जेनानि थाखाय जिगा सिनांनो हागौ। गोसोफोरखौ लोरबां लानो नाडा।

सिंह: गोजाम बेरामफोर दडबा सिखांवायनो हागौ। सांग्राडै थानांगोन।

कन्या: गोबां खामानि मावनांनाने देहाखौ खस्ट मोनानो हागौ। सांग्रां जानाने मावनांगोन।

तुला: सुखु-गोजेनै थानाने समखौ बारहोनो हागोन। फाफ्रोमथिबो मोजां।

बृश्चिक: जेखि जाया खामानि मावनायाव सांग्रां जानाने मावनांगोन। जेनायाव गोसोलेनो हागौ।

धनु: सोरजौंबाफोर हेँथा होजाबायनो हागौ। सानै-हयै आगान सुरनांगोन।

मकर: जेखियानो जाया नख'रनि खरसा खालामनांगोआ बांगोन। आलासिफोर फेनो हागौ।

कुम्भ: नख'रनि सोरजौंबाफोर दावराव-दावसि जानो हागौ। दुखु-दाहा सैनानो हागौ। गोसोखौ ह्यमथा।

मीन: हरखाबै माबाफोर मुवा-बेसाद मोनो हागौ। बे राशिनि थाखाय गाहाम सम।

झारखान्डआव इभिएमआव भट गोसोनायनि सिगां 20,679 सुबुंफोरा भट होदो

झारखान्ड, 10 मे : झारखान्ड लक सभानि मोन 14 मासिफोरनि थाखाय फेगौ 13, 20, 25 मे आरो गासै 20,679 सुबुंफोरा गावसोरनि भट होनो हानाय सुबुंथियारि मोन्थाइखौ बाहायदो। अदेबानि बे खेबाव बिसायख'थि आयगआ भट होग्रा मिरुफोरसिम सौहेनायाव जेना गोनां गागि आरो बेगुरा भट होग्राफोरनि थाखाय हम भटिनि सुबिधा खालामना होयो। बिनि अनगाथै बिसायख'थि हाबाफारिजौं लोब्बा गोनां सुबुंफोरनि पस्टेल बेलेटजौं भट होनायनि हाबाफारियाबो जागायो। राइज्योनि लेडाइ गाहाइ बिसायख'थियारि बिबानगिरि ७ नेहा आरडाआ थांनाय बृहस्पतिबारखालि बेलासि समाव मोनसे प्रेस कन्फ्रेन्सआव फोरमायदि, दासिमाव हम भटिनि गेजेरजौं सा 911 सुबुंफोरा भट होदो। बेरा फासै, गोनांथि जानाय सिबिथाइजौं लोब्बा गोनां सा 211 एम्बेन्ट भटारफोरा भट खालामदो। बेबायदिनो बिसायख'थियारि हाबाफारियाव



नांथाबाना सा 2,05,525 भटारफोरनि गेजेरव सा 19,557 सुबुंफोरा पस्टेल बेलेट पेपारजौं भट होखांवाय। बिथाडा फोरमायदी, 6 थि खोलोबनि बिसायख'थिनि थाखाय मुं बोखांना लाफिननायनि उनाव मोनब्रै संसदीय बिसायख'थि ओन्सोलफोरव आथिखालाव सा 93 बिजाथिफोरल' थाबाय। गिगिडीह संसदीय बिसायख'थि ओन्सोलनि फासै सा 27 बिजाथिफोरा बिसायख'थिनि फोथारव दडा।

गावसोरनि मुंखौ बोखांना लाफिनाखै। बेयावनिफ्राय गासै सा 25 बिजाथिफोरा बिसायख'थिनि फोथारव दडा। राञ्चिन्फ्रायबो रावबो बिजाथिफोरा गावसोरनि नमिनेशनखौ बोखांना लाफिनाखै। बेयावनिफ्राय गासै सा 27 बिजाथिफोरा बिसायख'थिनि फोथारव दडा।

नेपालआ गोदान नटआव भारतनि हाखौ गावसोरनि होन्ना फोरमायदो



काठमाण्डू, 10 मे: नेपाल सरकारआ बावैसो सिगां नेपाल हादरआरि बेकनो हादतनि गोदान मेपजौं लोमोसे 100 रानि नट सेबखानो गनायथि होयो। बे गोदान मेपआव नेपालआ भारतनि माखासे ओन्सोलफोरखौ गावसोरनि ओन्सोल महरै दिन्थिदो। नेपालनि बे थांखिनि सायाव गुबुन हादतआरि बिफानआ बेबायदि फासैथिल' लानाय थांखिया मोखथांआरि थासांरिनि सायाव जेबो गोहोम गोसोनाय नडा होन्ना बुंदो। थांनाय बृहस्पतिबारखालि खुंनाय सप्ताहयारि प्रेस कन्फ्रेन्सिन् समाव भारतआरि गुबुन हादतयारि बिफाननि बुंथिगिरि रणधिर जायसवालनाव जेब्ला नेपालनि गोदान नट आरो बेयाव सेबखानाय सावगारिनि सोमोन्दै सोंथि सांनायाव बिथाड बुडोदि, दरने हादतफोर सिमना जेनाखौ सुखानो थाखाय मोनसे जौसांनि गेजेरजौं सावरायगासिनो दडा। सुलुनि बायदिल्ला नेपालनि केबिनेटआ 100 रानि नटआव जाय मानसावगारिखौ बाहायनो गनायथि होदो बै मानसावगारियाव उत्तरखान्डनि पिथौरागढ जिल्लायारव भारत-नेपाल-चीन सिमनायाव थानाय लिमियाधुरा, लिपुलेख आरो कालापानिखौ नेपालनि बाहागो होन्ना फोरमायदो।

बिजापुरआव रैखाथि हान्जानि एनकाउन्टाराव सा 12 माउबादिफोरनि जिउ खहा



बिजापुर, 10 मे: छत्तिसगढनि बिजापुर जिल्लायारव रैखाथि हान्जानि गिदिर जाफुसांरनाय। रैखाथि हान्जाया दिने मोनसे एनकाउन्टाराव खमैबो सा 12 माउबादिफोरनि जिउ गोमादो। गागि पुलिस बिबानगिरिया बुंदोदि रैखाथि हान्जाया गंगालुर पुलिस थाना ओन्सोलनि सिखव थानाय पिडिया गामिनि खाथियाव नक्सल बेरेखा हाबाफारि लादोमोन। बे समावनो, बे एनकाउन्टरआ खाथिनि हाग्रायाव जायो।

बिथाड बुंदोदि जायगानिफ्राय गासैबो नक्सलिफोरनि गोथै सहखौ बोखानाय जादो। बे समाव गासैबो रैखाथि हान्जानि जवानफोरा जेबो रोखोमनि खहा जायाखै। पुलिसनि बायदिल्ला, रैखाथि हान्जाया दासिमबो ओन्सोलाव नागिरनाय हाबाफारि लागासिनो दं। बिथाड फोरमायदीदि रैखाथि हान्जाया थांनाय 16 एप्रिलखालि कांकेर जिल्लायारव मोनसे एनकाउन्टाराव सा 29 नक्सलिफोरखौ गावथारदोमोन।

बेनि सिगाडव, बिजापुर जिल्लानि करच'लि आरो लेन्द्र हाग्रायाव मोनसे एनकाउन्टाराव सा 13 माउबादिफोरा बुथारजादोमोन। बेनि अनगाथैबो एखे अन्जिमानि नक्सलिफोराबो

बृजभुषण सिं आरो दिल्ली जौ गेना-खास्थिनि थाखाय दिनेनि सानआ मख 'जाथाव

गोदान दिल्ली, 10 मे: जौ गेना-खास्थिजौं लोब्बा गोनां मानि लन्डिं केसनि थाखाय दिनेनि सानआ जोबोद मख 'जाथाव। बेजौं लोमोसे बिजेपि दैदेनगिरि आरो डब्लिउएफआइनि आगुनि थाखायबो दिनेनि सानआ मख 'जाथाव। अदेबानि दिल्लीनि राउज एभेन्सुप कर्टआव दिने मोनै मख 'जाथाव केसफोरनि सायाव हियारि जागोन। बे मोनैबो केसफोरनि सायाव गासै हादतनि नोजोर गोसलेगोन। फासैथि दिल्ली जौ नेम-खास्थिजौं लोब्बा गोनां मानि लन्डिं केसआव दिल्लीनि सिएम अरबिन्द केजरिवाल



आरो बिआरएस दैदेनगिरि कवितानि हेँथायै इडिआ चार्जशीट गथायनो हागौ। बेराफासै बिजेपि दैदेनगिरि बृजभुषण शरणनि हेँथायैबो दायआ थि जानो हागौ। अदेबानि दिल्लीनि राउज एभेन्सुप कर्टयाव दिने इडिआ चार्जशीट गथायनो हागौ। बे चार्जशीटआ दिल्ली जौ नेम-

केदारनाथ धामनि दरखंआ खुलिनाय लोमो-लोमो बेयाव गोबां अनजिमानि सिबियारिफोरा सौहैदो



उत्तरखान्ड, 10 मे: उत्तरखान्डआव थानाय बाबा केदारनाथजौं दर्शन खालामनो थाखाय पुस्कर सिंह धामिआ सौहैदो। बे समाव सिएम धामिआ बुडोदि, सिबियारिफोर बे दावबायनायखौ नेनाने थाबाय थयो। आथिखालान बे गोथार सानआ सौफेनायजौं लोमोसे दरजायाबो गेबाय। बेयाव गासै बेबस्थाफोरखौ खालामना होनाय जादो। बे समाव आं बयनोबो गोजोन्नाय बावो आरो

खुलिनायनि उनाव बाबा केदारनाथजौं दर्शन खालामनो थाखाय पुस्कर सिंह धामिआ सौहैदो। बे समाव सिएम धामिआ बुडोदि, सिबियारिफोर बे दावबायनायखौ नेनाने थाबाय थयो। आथिखालान बे गोथार सानआ सौफेनायजौं लोमोसे दरजायाबो गेबाय। बेयाव गासै बेबस्थाफोरखौ खालामना होनाय जादो। बे समाव आं बयनोबो गोजोन्नाय बावो आरो

मालदिबनिफ्राय भारतआरि रौनिया हान्जाया फेफिन्नायखौ भारतनि बायजो हायुंआरि मन्थि बिफाना रोखा खालामदो

गोदान दिल्ली, 10 मे: मालदिबआ भारतनिफ्राय गासैबो रौनियाफोरखौ बोखारबाय। बिसोर गासैबो भारतआव फेफिनबाय। बृहस्पतिबारखालि बायजो हायुंआरि मन्थि बिफाना बे फोरमायथिखौ होदोमोन। गुबुन हादतआरि बिफाननि बुंथिगिरि रणधिर जायसवालआ बुंदो, 'मालदिबनिफ्राय जौनि गासैबो रौनियाफोरा हादोराव फेफिनबाय। जौं बे आयदानि



सायाव गोबाव समनिफ्रायनो मालदिबजौं रायज्यायागासिनो दं। बे फोसावनाया बे समाव जादोमोन जेब्ला मालदिबनि बायजोआरि मन्थि मुसा जमिरआ सानसेनि थाखाय भारत दावबायदोमोन। भारतआरि रौनियाफोरखौ होखारनायनि सायाव बिथाड बुंदोदि दरने हादतनि गेजेरव रैखाथि हेफाजाबा खालि रौनियाफोरनि थाथायनि सायावल' सोनारनाय नडा। भारतनि रौनियाफोरनि सायाव जाय बिबान दमोन बेखौ दा नोगोरा'रिफोरा आबुं खालामगोन। भारत, मालदिब आरो श्रीलंका'नि सान्थि हान्जाफोरा जयै हुदा खालामो। जौं बेखौ सोलिबाय थागोन। सा 88 भारतारि रौनियाफोरा दिल्लीनिफ्राय मालदिबनो अन्थोब महरै होनाय गनै हेलिकप्टर आरो गंसे बिरखनि अपारेसनखौ सामब्लायनो थाखाय नोगोरा'रि आरोदायारि मावफारियाफोरखौ दैथायहरनाय जादो। मालदिबनि हादतगिरिनि मावख'आबो गासैबो रौनियाफोरखौ बोखारनायखौ रोखा खालामदो। मावख'आ सानथाम सिगां फोरमायदोमोनदि मालदिबनि मोननै प्लेटफर्मआव सा 51 भारतारि रौनियाफोरा फेफिनबाय। आद्रा थानाय रौनिया हान्जानि जवानफोरबो 10 मेसिम फेफिनजोबगोन। रौनियाफोरनि अपारेसनफोरखौ सामब्लायनो थाखाय नोगोरा'रि आरोदायारि मावफारियाफोरखौ दैथायहरनाय जादो। मालदिबनि हादतगिरि महम्मद मुइजुआ बिसायख'थि फोसावदिनाय समाव भारतआरि रौनियाफोरखौ हादतनिप्रय होखारनायनि आयदाखौ देखोदोमोन। बेखौ 'इन्डिया आउट' केम्पेइन मुं होनाय जादोमोन। सेप्टेम्बरआव बिसायख'थि देरहाखानायनि उनाव मुइजुआ हादतगिरि महरै समायखिरा लादोमोन। गोहोआव फेनायनि 6 दाननि गेजेरवनो बिथाड भारतारि रौनियाफोरखौ बोखारनायनि बिसायख'थिनि एजेन्दाखौ आबुं खालामो।

RESULT SHEET
of
Lucky Gift Coupon
In Aid of
ARTIST GET-TOGETHER CUM BWISAGU CELEBRATION
ORGANISED BY "BODO CINE ARTISTES' ASSOCIATION"
Kokrajhar District Committee
Venue: Purana Titaguri Sport Club-cum-Library
P.O. Titaguri, Dist.: Kokrajhar, BTC (Assam)

Drawn Date: 10th May, 2024

Prize List	Coupon No.	Prizes
1 st Prize	1047	1,00,000.00 (One Lakh)
2 nd Prize	1284	20,000.00 (Twenty Thousand)
3 rd Prize	1929	10,000.00 (Ten Thousand)
4 th Prize	1366	20,000.00 (Twenty Thousand)
5 th Prize	1498	50,000.00 (Fifty Thousand)

President
Jaipul Brahma

Secretary
Mwtkhangkhr Basumatary

सोनाब बंग 'आव अमित शाहजों लोगोसे आसाम-त्रिपुरानि गिबि मन्थ्रिआ बिसायख 'थि फोसावदिं खालामगोन

कलकाता, 10 मे: लकसभानि बैथि खोलोब बिसायख 'थिनि सिगां फोसावदिंनो थाखाय मिरुआरि नख 'र मन्थ्रि अमित शाहआ शुकुबारखालि सोनाब बंगआव दावबायफैबावो। बे सानखालि शाहआ आसनसल, रामपुरहाट आरो रणाघाट बे मोन्थाम जायगाफोराव सुबुं गौमाखौ सोमोन्दो लाखिगोन। बेराफासें, रेल मन्थ्रि आश्विनी वैष्णव, आसामनि गिबि मन्थ्रि हिमन्त बिश्व शर्मा आरो त्रिपुरानि गिबि मन्थ्रि ड॰ माणिक साहाआबो बिजेपि बिजाथिफोरनि मदतआव बिसायख 'थि फोसावदिंनि थाखाय शुकुबारखालि सोनाब बंग दावबायो। खौरानि बाइदिल्ला, आसामनि गिबि मन्थ्रिआ बे



सानखालि कृष्णा नगरआव रड श्व ' खालामनायनि अनगायै बेरकपुर आरो हुगलि लकसभा ओन्सोलाव मोन्ने बिसायख 'थियारि सुबुं गौमाफोरखौ सोमोन्दो लाखिगोन। नदिया जिल्लानि

अमृता रायनि थाखाय रड श्व ' खालामगोन। बेनि उनाव बेरकपुर लकसभा ओन्सोलनि सिडाव गोपलैनाय अनपुर्णा काटन मिल फोथाराव सान्जौफुनि 2:10 रिगानिफ्राय सुबुं गौमा खालामगोन। बेनि उनाव हुगलिनि बालागदुआव बेलासिनि 3:40 रिगानिफ्राय नैथि सुबुं गौमा खालामगोन। बेराफासें त्रिपुरानि गिबि मन्थ्रि ड॰ माणिक साहाया शुकु बारखालि सा कलकातानिफ्राय बिजेपिनि बिजाथि तापस रायनि नमिनशन गथायनाय रेलियाव बाहागो लागोन। फासेंथि रेल मन्थ्रि वैष्णवआ

फुंनि 11:00 रिंगायाव कलकातानि जादवपुर सिटनिफ्राय बिजेपि बिजाथिनि नमिनशन रेलियाव बाहागो लागोन। बेनि उनाव बेलासिनि 4:00 रिगानिफ्राय रेलनगरि सहराव बिसायख 'थियारि रेलिजों सोमोन्दो लाखिगोन। बेनि उनाव हरनि 8:00 रिगानिफ्राय बारासातनि वेस्टिन हटेलाव पाटिनि दैदेनगिरिफोरजों लोगोसे जथुमा खालामगोन। सुलुनि बायदिल्ला, अमित शाहआ बेनि सिगां थांनाय 6 मेयाव बिसायख 'थि फोसावदिंनि थाखाय सोनाब बंग फेदोमोन। बेसमाव बिथाड कृष्णा नगराव रड श्व ' आरो दुर्गापुराव मोनसे सुबुं गौमाखौ सोमोन्दो लाखिदोमोन।


आसामनि गिबि मन्थ्रिआ उरिष्या मलकानगिरीआव खुंनाय बिजेपिनि रेलियाव बाहागो लादों

गुवाहाटी, 10 मे: आसामनि गिबि मन्थ्रि हिमन्त बिश्व शर्माआ थांनाय बृहस्पतिबारखालि उरिष्या मलकानगिरीयाव भारतीय जनता पार्टी (बिजेपि) नि मोनसे रेलियाव बाहागो लायो आरो रोखा खालामना होयोदि, बिजेपिया लक सभा बिसायख 'थियाव मोन 400 मासिफोर मोन्नो थाखाय जुजिगासिनो दड। मानोना कंग्रेसआ बाबरी मसजिदिनि जायगायाव बानायफिनो हागौ। राम मन्दिर थांनाय मलकानगिरीयाव मोनसे राइज्योयारि रेलिखौ सोमोन्दो लाखिनानै शर्माया बुडोदि, सुबुंफोरा जोंनो मोन 400 मासिफोरखौ मोननो नांगौ होना सुबुंफोरा जोंनाव सोंथि



सोंदों। जों मोन 400 मासिफोरखौ लुबैयो। मानोना कंग्रेसआ राम मन्दिरनि जायगायाव बाबरी मसजिदखौ बानायफिनो हागौ। बिथाड बुंबावदोंदि, जों बे बाथ्राखौ रोखा खालामनांगोन। जाहाथे भारतआव बाबरी मसजिदखौ माब्लाबाबो बानायफिनो हाया। बेनिखायनो जों पिएम मदिनो 400 निखुइ बांसिन सिटफोर होनानै बिथांखौ पिएम बानायनांगोन। शर्माआ बुंबावदों, सिगाडव कंग्रेसआ जोंनाव राम मन्दिरखौ माब्लाबा बानायगोन होन्ना सोंबाय थायोमोन। आथिखालाव बिसोर बेनि सोमोन्दे सोंनायखौ बन्द ' खालामबाय।

दिल्ली आरो एनसिआरनि सुबुंफोरा गरमनिफ्राय रेहाय मोन्नो हागौ



गोदान दिल्ली, 10 मे: हादतनि गुबुन-गुबुन राइज्योफोराव बे समाव गोबां गरमजों भुगिनांगसिनो दड। बेयाव सानजौफुनि समाव सुबुंफोरा न'निफ्राय ओंखारो गोब्राव जाना फेदों। आथिखालाव दिल्ली एनसिआरजों लोगोसे माखासे गुबुन राइज्योफोराव सुबुंफोरा रेहाय मोन्नो हागौ। बोथोर बिफाननि फारसेनिफ्राय फोसावनाय आपडेटनि बायदिल्ला दिल्लीयाव फेगौ माखासे सानफोरसिमाव गोब्रां बार आरो सरासन्ना अखा हानायनि सन्देह' फोरमायदों। अखानि जाहोनाव बिदुडाव

दावखलायनो हागौ, जायजों सुबुंफोरा गरमनिफ्राय रेहाय मोनगोन। बिफाननि बायदिल्ला, हाजोफोराव मोनसे गोदान सोनाबारि नारसिन्थाइया एक्टिभ जानो हमदों। बेनि गोहोमजों दिल्ली, पान्जाब, हरियाणा आरो राजस्तान बायदियाव गरमनिफ्राय रेहाय मोन्नो हागौ। बे राइज्योफोराव सरासन्ना अखाजों लोगोसे

गोबां बार बानायखौ नुनो मोन्नो हागौ। बिफाननि बायदिल्ला, फेगौ सान्थामसिमाव दिल्लीयाव सरासन्ना अखा हानो हागौ। राजथावनिनि मेक्सिमाम बिदुडावना दावखलायनायखौ दिखानो मोन्नो हागौ। फेगौ सान्थामसिमाव बोथोरा बेबायदियैनो थानो हागौ। 10 मेयाव दिल्लीनि मेक्सिमाम बिदुड 40 डिग्रि सेल्सियास आरो

मिमिमाम बिदुड 29 डिग्रि सेल्सियाससिम थानो हागौ। उत्तर प्रदेशनि सुबुंफोरा गोब्रां सान्दुं आरो दुंखावनायनिफ्राय रेहाय मोन्नो हागौ। गनायना लानाय बायदिल्ला 13 मेसिमाव सान्जा आरो सोनाब इडपियाव गोब्रां बारजों लोगोसे सरासन्ना अखा हानो हागौ। फेगौ 14 आरो 15 मेयाव उत्तर प्रदेशआव बोथोरा सोराडे थागोन। बिहारनि सा बाहागोन गुबुन-गुबुन जिल्लाफोराव गरमनिफ्राय रेहाय आरो सरासन्ना अखाखौ नुनो मोनगोन। राजथावनि पाटनायावबो शुकुबारखालि थद ' थद ' सरासन्ना अखा हागासिनो दड। उत्तराखान्डआव अखानि जाहोनाव हाग्राफोराव नांनय अरा गोमोरो, जायजों सरासन्ना सुबुंफोरा गिदिर रेहाय मोनो।

एनआइएआ बिजेपि दैदेनगिरि नेतारुखौ बुथारनाय जाथायनि गुबै दायनिगिरिखौ खाबाय

बेंगलुरु, 10 मे: नेशनेल इनभेस्टिगेशन एजेन्सि (एनआइए) आ बेंगलुरुआव बिजेपि युवा मर्चानि मावथि प्रभिन नेतारुखौ बुथारनाय जाथायनि गुबै दायनिगिरि मुस्ताफा पैचरखौ खादों। एनआइएनि सुलुड बुंदोंदि, दायनिगिरि मुस्ताफा पैचरखौ एनआइए मावख 'गिरिफोरा कर्नाटकआव बिथांनि थाग्रा खुलिनिफ्राय खादों। 26 जुलाई 2022 मायथाइयाव कर्नाटकनि खोला कन्ड जिल्लानि बेलारे गामियाव पपुलर फ्रन्ट अफ इन्डिया (पीएफआइ) नि केडारफोरा प्रभिन नेतारुखौ बुथारदोंमोन। पीएफआइखौ उनाव बे बोसोरावनो सेप्टेम्बरआव होबथानाय जादोंमोन। बिथांखौ सुलिया तालुकआव पीएफआइ 'कलर



स्काड' एवा 'सर्विस टीम्स' जों बुथारजादोंमोन। बे गसरखौ गिबियाव बेलारे पुलिस थांनायाव केस थिसन्दों आरो उनाव एनआइएनो गथायनाय जादोंमोन। एनआइएआ आगस्त 2022 मायथाइयाव केसखौ आखायाव लादोंमोन। एनआइएआ जानुवारि 2023 मायथाइयाव बे जाथायाव सा 20 सुबुंफोरनि बेरेखायै चार्जशीट दाखिल खालामदोंमोन। एनआइएनि चार्जशीटनि बायदिल्ला, मोनसे हारिनि सोद्रोमाफोरनि गेजेराव गिनाय सोमजिहोनो आरो समाजाव हारियायि मुगैनाय आरो दावराव-दावसि सोमजिहोनो थाखाय पीएफआइनि एजेन्डनि बाहागो महरै नेतारुखौ गोबौ हाथियारजों बुथारदोंमोन। बुथारनाय जाथायनि एनआइए नायबिजिरनायाव मिथिनो मोनोदि, पीएफआइआ 2047 मायथाइसिमाव इस्लामारि खुंथाय गायसननायनि गावनि

एजेन्दाखौ आवगायहोनो थाखाय आनदोन बुथारग्रा हानजा दादोंमोन। बे सोद्रोमाफोरखौ माखासे हारिफोरजों सोमोन्दो थांनय दैदेनगिरिफोरखौ सिनायनाय, थिसननाय आरो नोजोर होनो थाखाय हाथियारजों लोगोसे नायदिंनय आदबफोरनि फोरोंथाय होनाय जादोंमोन। थांनय बोसोरनि अकटबराव एनआइएआ बे जाथायाव साथाम सन्देह' गोनो सुबुंफोरनि खौरां होनो थाखाय नोगोद रां बान्था फोसावदोंमोन। एनआइएआ बुंदोंदि, साथाम सन्देहगोनो सुबुंफोरा पपुलर फ्रन्ट अफ इन्डियानि सोद्रोमामोन। बिसोरनि सिनायथिखौ पय्यागुडु पदंगडीनि नौशाद (32), समवारपेट तालुकनि आबुल नासिर (41) आरो आबुल रहमान (36) महरै खालामनाय जादों। एनआइएआ साथामनिबो सोमोन्दे माबाफोर खौरां

फोसावनायनि थाखाय साफ्रोमोनोबो 2 लाख रॉनि बान्था फोसावदोंमोन। एनआइएआ दासिम खारखोमानायफोरजों लोगोसे गासै सा 21 सुबुंफोरनि बेरेखायै आयेन बेरेखा हाबा (होबथानाय) आयेन, भारतारि साजा आयेन आरो हाथियार आयेननि गुबुन गुबुन धाराफोरनि सिडाव चार्जशीट दाखिल खालामबाय। एनआइएनि मायथाइसिमाव भारतआव इस्लामारि खुंथाय गायसननायनि जोबथा थांखिजों हारियायि मुगैलायनाय सोमजिहोनाय आरो हारियायि मुगैलायनाय गोसारहोनायनि थांखिजों बेबादि थांखिनानै मुगैथाव बुथारनायफोराव लोब्बा दं। सेसेम्बर 2022 मायथाइयाव मिरु सरकारा पीएफआइखौ मोनसे 'आयेन बेरेखा गौथुम' फोसावदोंमोन आरो इडपिए फोसावदोंमोन आरो इडपिए थाखाय आफादखौ दानदिसेनि थाखाय होबथादोंमोन।

गोसो जानायनि फोरमायथि

इआइए फोसावथाय नं: सि/470/एच/आएसएफ/2023-फि। भारतनि हादतगिरिनि फासेंनिफ्राय डिभिजनल कमिसियलेनेजार (आइसि), सा-सान्जा सिमना रेलवे, आलिपुरदुवारआ 'वान स्टेशन, वान प्रखर' बिथांनि सिडाव आलिपुरदुवार डिभिजननि मोन 41 इन्डिनि गं 30 स्टेशनआव हादतआव दिहनाय मुवा-बेसाददों लोगोसे फालांगि खालामगो सुबुं, गावथुथा हान्जा (एएसएफ), समानेन गहाय आरो लोकां थयो बायदिनि सुबुंफोरनिफ्राय थिखानाय फरमेदतआव आरो सिड फेड (सिगेन)आव अर 'ज लाड हंथायारदों। बे बिथांनि सिडाव सायख 'जानाय स्टेशन आरो जागायेननाय अक्ट': 1. आलिपुरदुवार जंशन-02 इन्डिनि, 2. निर आलिपुरदुवार-03 इन्डिनि, 3. निर कर्वाबिहार-05 इन्डिनि, 4. धुमुरि-02 इन्डिनि, 5. निर माल जंशन-02 इन्डिनि, 6. गुलामा-01 इन्डिनि, 7. बिनागरि-01 इन्डिनि, 8. दलामा-01 इन्डिनि, 9. दिनहाता-01 इन्डिनि, 10. चलसा-01 इन्डिनि, 11. नायकाला-01 इन्डिनि, 12. बनसहा-01 इन्डिनि, 13. कर्वाबिहार-01 इन्डिनि, 14. बनसहा-01 इन्डिनि, 15. तुफानगन्-01 इन्डिनि, 16. माथाभागा-01 इन्डिनि, 17. अदलाबारि-01 इन्डिनि, 18. हेमिलवनगन्-01 इन्डिनि, 19. गलकगन्-01 इन्डिनि, 20. बागक 'त-01 इन्डिनि, 21. मदासिंह-01 इन्डिनि, 22. देवानहल-01 इन्डिनि, 23. अलताग्राम-01 इन्डिनि, 24. सालाबारि-01 इन्डिनि, 25. निर चंग्राबान्हा-01 इन्डिनि, 26. घकसादांगा-01 इन्डिनि, 27. सालाकाति-01 इन्डिनि, 28. बासुगाव-01 इन्डिनि, 29. कक्राझार-03 इन्डिनि, 30. हासिमारा-01 इन्डिनि। गासै गं 30 स्टेशनआव मोन 41 इन्डिनि। सिड कभार (इआइए) गथायनायनि जोबथा अक्ट' आरो सभ: 03-06-2024 अक्ट'नि 15:00 रिगा आरो सिड इआइए बक्स बेखेगोनो 03-06-2024 अक्ट'नि 16:00 रिगायाव इआइए फोरमान लाइखौ एनएफ रेलवेनि वेबसाइट www.nfr.indianrailways.gov.in आव मोनो हागोन।

डिआरएम (सि), आलिपुरदुवार जंशन सा-सान्जा सिमना रेलवे मिनिस्त्र्ये ग्राहकफोरनिमि सिबिथाय


रडिया डिभिजनव इन्जिनियारिखामानि

डिआरएम (सि), आलिपुरदुवार जंशन सा-सान्जा सिमना रेलवे मिनिस्त्र्ये ग्राहकफोरनिमि सिबिथाय

डिआरएम (वार्कस), रडिया सा-सान्जा सिमना रेलवे मिनिस्त्र्ये ग्राहकफोरनिमि सिबिथाय

गोजौसिन बिजिरसालिआ अरबिन्द केजरिवालखौ 1 जुनसिम इन्टारिम बेल होदों

गोदान दिल्ली, 10 मे: 2024 माइथायनि लकसभा बिसायख 'थिनि गेजेराव दिल्लीनि गिबि मन्थ्रि आरो आम आदमी पार्टीनि हायुडरि लिथुमगिरि अरबिन्द केजरिवालआ गोजौसिन बिजिरसालिनिफ्राय गोबां रेहाय मोनदों। जौ केलेंखारिजों सोमोन्दो थांनय दिल्लीनि गिबि मन्थ्रि अरबिन्द केजरिवालखौ गोजौसिन बिजिरसालिया मंगलबाराव इन्टारिम जामिन होदों। गोजौसिन बिजिरसालिया केजरिवालखौ 1 जुनसिम जामिन होदों आरो बिजिरसालिया बेजों लोगोसे आरोबाव मोनसे गिदिर बिथोन होदों। अरबिन्दनि उखिल अभिषेक मनु सिंघावी आ बिजिरसालिनिफ्राय 5 जुनसिम जामिन बिदोंमोन। बबेखानि बिजिरसालिया बे दाबिखौ होयाखै। केजरिवालखौ मार्चआव खानाय जादोंमोन नाथाय बिन खानाया सिगाडव एवा उनाव जानो हागौमोन। आथिखालाव 21 सान बेवहाय आरो जेबो फाराग लाबोनाय नड। अरबिन्दआ 2 जुनआव आखाय दैखंगोन। बृहस्पतिबाराव इनफसमेन्ट



डाइरैक्टर (इडी)आ केजरीवालनि जामिननि आरजलाइखौ हेंथा होनानै गोजौसिन बिजिरसालियाव मोनसे एफडेभिट दाखिल खालामदों। इडीआ एफडेभिटआव बुंदोंदि, फोसावदिंनया गुदि मोन्थाय नड। बेराफासेंथि केजरिवालनि आयेनारि हान्जाया इडीनि समायखियायाव गोखोडे हेंथा होदों। बबेखानि बिजिरसालिया इडीनि गासैबो बाथ्रा दान्थेलायनायखौ नेवसिनानै केजरिवालखौ गेजेरारि जामिन होदों। अरबिन्द केजरिवालनि गेजेरारि जामिन मोन्नायनि उनाव गोजौसिन बिजिरसालिनि बिथोनखौ आथिखालाव ट्रायल कर्टआव दैथाय हरनाय जागोन। बेनि

उनाव ट्रायल कर्टनिफ्राय फोसावनाय बिथोनखौ तिहाड जोबथेसालि खुंथायनिमि दैथाय हरनाय जागोन। गोनान्थार बाथ्राया बेनोदि, जेब्ला ट्रायल कर्टनि बिथोना तिहाड सौहैयो अब्ला हगारनाय लाइजामआ बैयाव सौहैनायनि उनाव बिखान्थि खालामनायाव 2 घन्टा लायो। जुदि ट्रायल कर्टनिफ्राय हगारनायनि बिथोना थि समाव तिहाड सौहैयो अब्ला 2 घन्टानि बिखान्थिनि उनाव केजरिवालखौ हगारनाय जागोन। तिहाड जोबथेसालियाव सानफ्रोमबो फेनाय गासैबो हगारनायनि बिथोनफोरा फ्राय 2 घन्टानि गेजेराव थिरांथा जायो।

एमएससि एरिजआव गाखोनाय सा 5 भारतआरि नाव सालायग्राफोरखौ इरानआ हगारबाय

तेहरान, 10 मे: इरानआव भारतआरि थान्दै मावख 'आ बुडोदि, तेहराननि गेजेरजों जड खालामनाय इजालनि जाहाज एमएससि एरिजआव गाखोनाय सा 5 भारतआरि नाव सालायग्राफोरखौ थांनय बृहस्पतिबारखालि हगारना होयो आरो बिसोरो इराननिफ्राय थांबाय। भारतआरि थान्दै मावख 'आ बिसोरखौ हगारनायनि खौरांखौ शेयार खालामनानै बुडोदि, जों बन्दर अब्बासआव थांनय थान्दै मावख 'आरो भारतआरि फालांगियायि थान्दै मावख 'जों लोगोसे इराननि बिबानगिरिफोरखौ साबाइखर



बावो। बेनि सोमोन्दे गुबुन हादतयारि बिफाननि मावख 'आरि बुंथिगिरि रणधिर जयसवालआ इन्टारनेट मिडिया एक्सआव पस्ट खालामोदि, एमएससि

एरिजआव गाखोनाय सा 5 भारतआरि नाव सालायग्राफोरखौ थांनय बृहस्पतिबार बेलासियाव हगारना होबाय आरो बिसोर आथिखालाव इरान नागारबाय।

मख 'नो गोनान्दि, इजालजों लोब्बा गोनानां माल रोगाग्रा जाहाजखौ थांनय 13 एप्रिलाव इरानआ जड खालामदोंमोन, जेराव सा 17 भारतआरि रोगोरफोरा गाखोदोंमोन।

मानोथो मोजां मोनामोन अनजालि, मानोथो ?

मुस्रि बुभान ब्रह्म

मोजां मोनायखौ नोनोथ' बेखेवगोरदोंमोन अनजालि, लाइजामनि गेजेरजों फोरमायहरदोंमोन जेब्ला, नों गावनि मोजां मोनायखौ।
अब्ला आं जेबो हेंथा होयाखैमोन नॉनि आंखौ मोजां मोनायाव।
नाजावदोंमोन आं लाइजामखौ थार गोसोजों।
नाथाय अनजालि दिनै नॉनिनो,
मोजां मोनाया.....।
आंथ' अनजालि नोंखौ थार गोसो जें आरो गोबोंजें मोजां मोन्दोंमोन
नाथाय नों दिनै मानो नागारलांखो ?
मा आंनि मोजां मोनायाव माबाफोर गोरोन्थि दडमोन नामा अनजालि ?
बुं अनजालि, बुं ? आं गाज्रि मोना।
मा। अनजालि,
नॉनि गोसोया एफा थगायसुलि नामा ?
मोजां मोनायखौ फेलें खालामगोन होन्ना आं सानाखैमोन जेब्लाबो अनजालि।
आं नोंखौ मोजां मोनफ्लादों सानाखैमोन, नाथाय दिनै मा। अनजालि
मा खालामखो नों मा जाखो दिनै, बेनोमोन माना नॉनि मोजां मोनाया ?
नों आंखौ दानो बावगार लांबाय नामा।
मा। अनजालि
बावगारनोब्ला मानोथो मोजां मोनामोन ?
बुं अनजालि बे नॉनि मोजां मोनाया औरेंनो ना इयुन जिउनि थाखाय,
नों आंखौ बेबायदि हांमा दोनलांनोसो मोजां मोन्दोंमोन।
आरो गोसो थोदोंमोन नामा ?
गोरिब गोसोजों होयाखैमोन अनजालि,
नोंनो आंनि अन्यायखौ।
गुबुंले नडमोन अनजालि आंनि नोंखौ मोजांमोनाया।
नाथाय नों अनजालिया मुगैदों जानांगो।
आंनि मोजां मोनाय आरो गोसो थोनायखौ।
मा। अनजालि नोनोथ' बुंदोंमोन- नोंनो गिबि आरो जोबथा,
जिउनि अनजालु लोगो होन्ना।
मा। अनजालि बोरो दानिया ?
बबेयाव बावगारलांखो, बबेयाव ?
नोंनोथ' समाय लादोंमोन अनजालि बैसमाव।
नाथाय बबेयाव बावगारखो आरो
मा गोसोजों बावगारलांखो ?
बै समनि समाय खिराखौ अनजालि।
नों आंखौ थार गोसोजों मोजां मोनखायाखै जानांगो।
नाथाय आं मोजां मोन्दोंमोन नोंखौ,
थार गोसोजों अनजालि।
गालांबाय नों अनजालि गोसो गोरबोयाव रादाय आरो थैनि जारिमिन,
बिदिन्थिनि बोदोर फाखनाव,
सिरियै गालांबायनों बायखोन्दो नेरसोन।
बेनि जाहोना मा ?
बुं अनजालि, बोहैया आंनि मेगनजों मोदे,
गिबियाव हास्थायदोंमोन जानांगो
नों अनजालिया आंखौ नाथाय,
नैथियाव सोरखौ हास्थायदोंमोन नों।
नाथाय हास्थायदो आं जेब्लाबो नोंखौनो।
नों अनजालिया माबोरै आगान सुरलांखो,
गोरोन्थिनि लामाजों ?
थेवबो बावगारआ आं नोंखौ।
दिनै खालामबाय नों अनजालिया बेसेन गोयै,
आंनि जिउखौ आरो बे जोनोमखौ।
बेफोर नॉनिनो गोरोन्थिमोन अनजालि, नॉनिनो नाथाय नों.....।
आं बुजिस' हायासै अनजालि
नों सोरनिबा थिन्नायाव मोजां मोन्दोंमोन ना हासिडै मोजां मोन्दोंमोन
दिनै नों सोरनिबा थिन्नायाव फाव फान्दायनायाव बावगारखोना हासिडै सिरियै बावगारलांखो ?
नोंनो बेखेवग्रोबाय अनजालि बावगारनायखौबो, दिनै सिरि हासिडै।
नाथाय हास्थायो गोसोया अराय,
जिउनि अनजालि महरै नोंखौनो।
बुजिबाय अनजालि आं,
मोजां मोनाय आरो गोसो थोनायखौ।
मिथिबाय आं दिनै मोजां मोनायनि बास्थायखौ।
नाथाय बे जोनोमाव आंनि नोंखौ
हास्थायनाया सिमाल' जाबाय।
गोसो गैखायामोन अनजालि नोंखौ,
मोजां मोन्नो आरो गोसो थोना नाथाय.....।
दिनै आंनि जिउनि मिजिआ आसखान्दा जाबाय थेवबो बै जोनोमाव नोंखौनो जिउनि लोगो महरै आंनि मोजां मोनायखौ होनो नेबाय थासिगोन आं अनजालि।

मोजां मोन्नाया सुबुंनि सुथुर

नुजाफेदोंमोन आं बुहुम बिखायाव मोजोमसे जिउखौ लानानै बैथा गैयै जिउनि डिडयाव जाबलानो।
नाथाय आंनि गोसोया सोरबा अनजालिखौ मोजां मोन्दोंमोन,
हास्थायदोंमोनबो आं बे अनजालिखौ आंगोनि खालामनो, नाथाय... !
बिनि फोथायखेबस' गोसोआ जावलिया खालामबाय आंनि मोसोरखो दिनै।
मा सान्नायै मोजां मोनमोन आं बे अनजालिखौ,
बिनि गोसोया मानो एसेबां थगायसुलि ?
बिखौनो लादोंमोन आं जिउयै माहामै गोरबोनि दाव मैना, नाथाय....।
दिनै बियो आंनि गोरबो बिखा सिनि पानजारिनिफ्राय बिरलांबाय फैलाव अखांआव।
सानदोंमोन आं,
मोजां मोनलायनाया सुबुंनि जिउयाव सुथुर नामा ?
ना, मोजां मोनलायनाया सुबुंनि जिउखौ आस 'कान्दा खालामो ? नाथाय....।
आंनि मोजां मोन्नाया बेबायदि जागोन होन्ना सानाखैमोन।
मादि मोसो-
आयजो माहारिनि दानो दं, दानो गैया, उरां फरां।
दासो मिथिना मोनबाय आं बे जोनोमाव मोजां मोनलायनाया सुबुंनि जिउखौ आस 'खान्दा खालामो।

मुस्रि जोमा ब्रह्म
गामि- मिडिल घ'ककाटा
ला:सो:- बनरगाव,
जिल्ला- कक्राझार, बिटिसि (आसाम)

खारौ खान्दाय बिबार

मिस बोहैथि नाजारि

आं हर गेजेरनि बारसे समयना बिबार, मुखौ बुडो बयबो आंखौ खारौ खान्दाय।
हरावनो थफियो हरावनो बारो,
आरो हरावनो सिरि लांफिनो।
अनसायआ आंखौ रावबो;
खोनासंनो आंनि जिउनि जारिमिन।
सान अखांनि सान राजाजों
नेवसि जानाय आंदि बारसे समयना बिबार।
नाथाय मिथिगो खोमसि हरनि,
पुर्णिमा अखाफोर गावदांआ।
आंनि हारसिडै गाबनाय आरो मिनिनायखौ हांमानि खन्थाय लिरनाय दाहानि सल' लिरनाय,
बियो बुरखायो अनसायनायजों आंखौ;
फुबिलि आलाइआरण जारां सानजों रंजायो।
फागुन दाननि सुदेम बारजों मोसगलांनो नाथाय हायाखिसै आं निन्दा आरो मुं सुनायनि;
बे सोमखे मोखांखौ लानानै,
गावदां अखाफोरनि बोसोनखौ लाखिनो।
आं हर गेजेरनि बारसे समयना बिबार आंखौ बुडो खारौ खान्दाय।
साननि सान राजाया आंखौ नेवसिनानै मिनिलांब्लाबो अनसायो आंखौ पुर्णिमा हरनि अखाफोर गावदांआ॥

थरथिंसे मोदै

मुस्रि बिरलुम बसुमतारी

बावलांबाय नामा नों आंखौ अनजालि बै समनि समायखिराखौ बावगारलांनो।
नोंखौ अननायाव लुदोंमोन अनजालि;
आंनि गोसोआव
सनाजों दाजानाय
डिमापुर आरो माइबां नोगोर।
नाथाय बार मोदायनि
महर लाना बुफनायलांबाय
नों डिमापुर आरो माइबां नोगोरखौ।
दान्दिसेनि थाखायल' अननायखौ आंनो होना नागारलांबाय नों आंखौ
अनलायनायनि जिनत्रिखौ बस'ना सोरजि लांबाय नों आंनि मेगनाव अनजालि थरथिंसे मोदै।

रंजालि गथ'फोरनि सौरा

दा बोथोरा

दा बोथोरा सिदोब सिदोब
उदां जोबहां जोबहां
रुइदोब रुइदोब हालुवानि फोथार,
दा बोथोरा रानस्त्राव सिखांनारनि
हथिथिउ दाव दावबायनारनि,
दा बोथोरानो दैज्लां बरायनारनि।

बिरनजय मोसाहारि
गहपुर, बिस्वनाथ

नोंनि महर

रिसार मोसाहारि

नोंनि महरानो आंखौ थिनबाय नोंनि राव-फावानो आंखौ बुंबाय, नोंखौ गोसो गोथारै मोजां मोननो जिउयै-माहामै जुलि लानो।
नोंखौ नुवाब्लानो जायो आंनि गोसोआ उरां-फरां;
नों गैयाब्लानो जायो आं बाहां-बिरहां,
आजोला गोसोआ जायो उसाव-बादाव-जाब्लाबो लोंब्लाबो खालाव-खासाव।
नोंनि महराव जाबाय आं बोदोरबावलि नोंनि रावा, नोंनि मेगननि फावानो लेंहरो आंनि गोबों गोसोखो,
आखाइ फाइखनानां फै-फै होने होने।
नाथाय! आं नोंखौ माबोरै मोन्नो स'ना नोंदि लैथो गेजेरनि बारसे समयना बिबार,
गैया आंहा जेबो लाइलथर-नोंनि खाथियाव थानो, नोंखौ जुलि लानो।
सिसिरि सिआ सिबा सिडव गोसोनि खोथाया गोबों सिडव;
सान्नायमानि गासिबो फेलें जाबाय हरखाब नुजाफेनानै हरखाबैनो गोमोनरलांफिनबाय।
बेखायनो स'ना आं नोंखौ खावलाइदों-नोंजों आंजों जुलिआ जागोन बै गोदान फिन उजिगासेयाव;
नेथ'दो स'ना बिदिब्ला फैगोन बै बोथोरखौ।

दैसा

जोनोम मोन्देनों दैसा,
हिमालय हाजोमानिफ्राइ।
बेसेदि जिरि जिरि बोहैदों नों जेनिबो दुखुनि हेंथा गैया जासे।
बोहैदोंनों साहानिफ्राइ
खोलाहा फारसेथिं जाय।
रेस गैयि सानफ्रामबो
बोहैयोनों दैसा।
रावनिबो हेंथा होनायाव दसे समनि थाखायब्लाबो थार बोयाखैनो दैसा।
रावखौबो नेनानै फैयाखै नों हारसिनो जिरि जिरि बोहैबोदोंनों।
साहानिफ्राइ खोला फारसे आय' बेसेदि समयना जिरि-जिरि बोहैदोंनों दैसा।

मुस्रि अरायथा बसुमतारी
ला:सो:- बिसमुर्ति।
जिल्ला- कक्राझार, बिटिसि (आसाम)।

थैनायनि लांगोना

मुस्रि पबित्र बसुमतारी

निजोम खोमसिजों साग्लोबनाय,
गोसो सुबाव सिन्दं बादं गिखाडो गुरलाब मोनखाडो गोसोआ आंनि जायो आसाम सारा।
बिखा बिख्लो सिम्ब्रेखाडो दुखुनि देखो रिखांफेयो अन्थाय बिखा बिनि गोसो मिथि होवा खेमादो गैया।
सोरनि सान्नाय सोर मिथिनो सोरनि आखु सोर बेखेवनो, सोरनि गांनाय सोर लोंहोनी सोरजिगिरिखौ सोर मोनहानो।
गेलेनाय रंजानाय गाबनाय मिनिनाय,
दं नाय मानि मोजां गात्रि मनरलाब गोसो बिनि।
मुगैनाय गैया मुजुनाय गैया मोजां गात्रि बासि रोड नेबाय थायो खुगा फुवारनानै बाख्ताबना लायो मुलुगनि बिखा

मोजां मोनज्जायनाय

अर नड
नाथाय
माब्लाबा खामो !

दै नड
नाथाय
माब्लाबा सुगलाइ होयो !

थुला जोमै नड
नाथाय
माब्लाबा बारजों बुखार लांजायो !

बोथोर नड
नाथाय
माब्लाबा सोलाय लाडे !

-राजिब दैमारि
बाक्सा

दावहा

मुस्रि गोजोर कुमार ब्रह्म

बे जुगआ जादों दावहानि जुग नड सिलाइ गुलि बारुदिनि, बे जुगआ जादों दावहानि जुग नड दाहाल थुंग्रिनि,
बे जुगआ जादों दावहानि जुग रोंगथिनि, राजखान्थिनि आरो रांखाथिनि।
गिनाड थैनांनो सिलाइनि गुलिजों, गिनाड थैनांनो बमा-बारुदजों, बिखायाल' फोरदान्ना हो जोबप्रांथों जोलेनि हांगारफोर बिखानि दुंबुद थैजोंनो सुम्रां जाथों।
नाड जों जुजिनो हाथियारजों नाड जों जुजिनो बोलेजों नांलाया जों जुजिनो सुबुंनि सानखोजों जुजि रोंगथिजों, राजखान्थिजों।
रोखा-रोखा बिदिन्थि दं जोंहा माहारिनि बिफा माहात्मा गान्धी अहिंसानि मोन्थोरजोंसो बृटिसफोरखौ होखार हरनाय।
अब्ला मानोथो जोंलाइ बोलो बाहायनाय गैया नामा जोंनाव रोंगथि. ?
गैया नामा जोंनाव राजखान्थि..... ?
गैथारा नामा जोंनाव एसेबो आदब-खायदा।
मानो गैया.... ? दड.....।
दड जोंनावबो ओंखाबोब्ला,
दड जोंनावबो गावजों-गाव सिनायलायोब्ला दड गायिबो खीसे जायोब्ला।
फै बयबो फै, नैबो दावहाथिलियाव जोंबो जुजिनि, जोंबो देरहानि रगुं गोयै, सिमा-गोयै सोलोंथाइ, राजखान्थि आरो रांखाथिनि बे गिदिर दावाहा थिलियाव।

समायना महर

फुंनि गोगो खारनायाव सुदेम जारां सानआव।
आंनि गोसोआ बोदोर जायो समयना महरजों
सान जोबनाय लोगो-लोगो हायनानि सोराड गोसारो।
समायना महरनि गाबआ आंनि गोसोखौ थाजिम मोनहोयै, साननि दुंनायजों, गोगो नखांजों, निल गाबनि जोमैफोरा
बिरदाव बायदों गोजौ फारसे।
आंनि गोसोआ रंजानो लुबैदों बिसोरजों लोगोसे।
सानसुथिर समाव दावसि दाउलाफ्र जिरायनाय समाव मेथाइ खनदों, समायना महरजों मोसा ग्लादों।
साननि सोराड सोनाब फारसे महर लादों,
सुदेम बेलासे समा लासै समायना महराव फैदों।
दावसिन दावलाफ्र गावनि फिसा फिसौखौ लानानै ज-ज मेथाइ खनहंदों, साननि सोराड गोमालांनो हमहंदों, सोनाबहानि गोजा जोमैजों दावसिन दावलाफ्र मोसगलांदों, समायना महरनि गावजों फिसा-फिसौखौ लानानै बाहा फारसे रोमै बिरलांजोबदों।

जोंफु बसुमतारी
गामि- सा- माबरियागाव (हालं बाजार)
जिल्ला- कक्राझार बि टि सि (आसाम)।

सिखा बर' गोजौ फरायसालिया मेट्रिक आन्जादआव उथ्रिसारनाय फरायसाफोरखौ बरायदों

बड'सा थान्दे, तामुलपुर, 10 मे: तामुलपुर जिल्लानि सिखवा थानाय निज देफलिन सिखा बर' गोजौ फरायसालिया देगलायनि मेट्रिक आन्जादआव उथ्रिसारनाय हानाय गासै फरायसाफोरखौ थुलुंगाखां होनाय थांखिजों मोनसे मेहेर गोनां हाबाफारिन गेजेरजों बरायनाय हाबाफारि खुंनाय जायो। तामुलपुर जिल्लानि सिखवा थानाय बर' बिजौनि फरायसालिखौ गोजौ मान देखानो हानाय सिखा बर' गोजौ फरायसालिया गुन गोनां सोलोंथाय होनायाव मैखौमे बिफाव लाबोदों। बेबायदिनो देगलायनि मेट्रिक आन्जादआव 100 जौखोन्दो उथ्रिसारनाय हानां सिखा बर' गोजौ फरायसालिन



फरायसाफोरा। बोसोरफोमबो स्टर, डिस्टिक्सन लानानै जौसे जौखोन्दो उथ्रिसारनाय हानोदों सिखा बर' गोजौ फरायसालिन फरायसाफोरा। मख'नो गोनांदि, मेट्रिक

आन्जादाव उथ्रिसारनाय हानाय फरायसाफोरखौ बरायनायजों लो गोसे बोसोरफामबो सायख'नाय बायदि देगलायबो बे बोसोरनि 'साबसिन दिथागिरि' सायख'नानै मान

बाडनाय जायो। बे फरायसालिन गहाइ फोरोंगिरि चन्द्र धर 'आरो फरायसालिन फोरोंगिरि सनेस्वर नाजरीनि आफाद सामलायनाय बे मेलाव 58 नं तामुलपुर बिधान सभा बिबायनि एमएलए जलेन दैमारीया गहाइ आलासि महैर बाहागो लायो। लो गोसे तामुलपुर जिल्ला इडपिपिएल दोलोनि गहाइ नेहाथारि गनेस नाथ, तामुलपुर जिल्ला इडपिपिएल दोलोनि मावथिफोरजों लो गोसे बे फरायसालिन फोरोंगिरि, फरायसा आरो दिथागिरिफोरबो बाहागो लायो।

गसाइगावआव एस एस बनि बान्जायनायाव हाथियार दिन्धिफुंदों



गसाइगाव, 10 मे: फरायसालिन फ रायसा-फ रायसुलिफोरनि गेजेराव मिरु एसएसबि हान्जाया गुबुन गुबुन हाबाफारिजों लो गोसे एसएसबिआव केरियार दाफुंनायानि सोमोन्दै सानखांनो थुलुंगा खालामनायनि थांखिजों दिनै एसएसबिनि 31 नं. हान्जानि बान्जायनायाव मोनसे जर'खा हाबाफारि आखायाव लानायखौ नुनो मोन्दों। गसाइगाव माटियाजुरिआव थानाय एसएसबिनि 31 नं. हान्जानि गहाइ मावख'आव बान्जायनाय बे हाबाफारियाव इडनित केम्पास दावबायनाय, आइजो कन्टेजेंट फेरेड ड्रिल, के 9 दग डेमनस्ट्रेसन आरो हाथियार बायदि बायदि

फरायसुलिफोरनि गेजेराव एसएसबिनि हाबाफारिजों सिनायथि होनायजों लो गोसे मिरुआरि हाथियार पुलिस हान्जायाव हाबनानै गावनि हादत सिबिनाय आरो माहारिखौ सिबिनो थाखाय थुलुंगाखां होना नाजानाय जादों होना फोरमायो। बि बा न गि रि अ I लाइमोनफोरखौ हादतआरि रैखाथि हान्जानि सोमोन्दै गोग्गाथाव आरो सांग्राथियारि मोन्दांथि फोजाखांनायनि थांखिजों बे हाबाफारिखौ नाजावदों होना मिबथि होदों। गसाइगाव सेन्ट एन्ट'निस

इराजि बिजौनि फरायसालिन गोरगुं फाडार लाइनेस चालक'आ लिनहजानाय आलासि महैर बाहागो लानानै भारत-नेपाल आरो भारत-भुटान सिमाननि रैखाथिनि बिबानआव थिसनजानाय एसएसबिनि 31 नं. हान्जानि गोनांथार बिफावनि सोमोन्दै गोबांसिन मिबथि होनायनि खाबु होनायनि थाखाय साबायख'र बाउयो। बे हाबाफारियाव डिपुटि कामान्डेन्ट एलएन सिं, डिपुटि कामान्डेन्ट प्रनव शुख्ला, लो गो कामान्डेन्ट रजित कुमारजों लो गोसे फरायसालिन फोरोंगिरिफोर आरो फरायसाफोरबो बाहागो लानो हानायखौ नुनो मोन्दों।

दिनैनिफ्राय सानैनि हाबाफारिजों चराइकलायाव बिषुवा फोर्बों खुंगोन

बासुगाव, 10 मे: आसामनि माहारियारि फोर्बो बिहु बादिनो कच राजबंसि हरिआ बे फोर्बोंखौ बिषुवा मुडै फालियो। बे फोर्बोंखौ लोब्बा लानानै फैगौ 11 आरो 12 मे (शनिवार आरो रबिबार) अक्टूबालि सानैनि हाबाफारिजों चराइकलायाव फालिनो लाहार-फाहार जादों। बिटिसिनि सदर कक्राझार सोहोरनि साखाथियाव थानाय चराइकलायाव खुंजानो गोनां बिषुवा

फोर्बोनि सेथि सानखालि बिषुवानि फिर्फाला, आक्रासुनि फिर्फाला आरो कच राजबंसि आइजो आफदनि फिर्फालाखौ बिहोनय जागोन। बेनि उनाव मुखलं खाप्फयाव बिबार मान बाडनाय, बिफां फुलि गानाय, बायदि गोसो बोनो हानाय गेलेमु बादायलायनाय, चराइकला आन्सलिक आक्रासु आरो आइजो

आफदनि थान्दे मेल, मोनाबिलियाव आलारि बाथि फोर्जोनाय, हान्जा आरो हारसि मोसानाय बादायलायनाय बायदि हाबाफारि खुंगोन। नैथि सानखालि बेलासियाव गेवलां मेल खुंगोन। गेवलां मेलयाव गहाइ आलासि महैर आक्रासुनि मिरु आफदगिरि कितिश थयआ बाहागो लाफैगोन। हाबाफारियाव थांखि जानाय बुंथिगिरि महैर धनन्जय

बर्मननि अनगायैबो के.आर.सि.एस.नि आफदगिरि बुदेश्वर राय, के.ए.सिनि मावफुं सोद्रोमा कर्म्मेश्वर राय, पुर्वि सकर, बिटिआरनि मावफुं सोद्रोमा अरुप कुमार डे, एमसिएलए आरो बारा' मावफुं सोद्रोमा देहासात बसुमतरि, बारा' आक्रासुनि आफदगिरि अरुन राय मोनह बाहागो लाफैगोन। बेनि उनाव गोदानै दानाजाय

चराइकला आन्सलिक आक्रासु आरो आइजो आफदनि समायखिरा लानाय आरो 'मोनाबिलियाव हांखायजानाय देंखोगिरि-आरिमुवारि फोरारि हारिमुवारि हाबाफारियाव देखेंखो रोजावफैगोन। हांखायजानाय देंखोगिरिफोर जाबाय देबजानि शिल, प्रति बर्मन, लक्ष्मी देबि आरो दिलिप बर्मनमोनहा देखेंखो रोजावगोन।

(1 बिलाइनिफ्राय)

सोनाब बेंगल राज्योआव लकसभा बिसायख थिनि फोसावदिनाय हाबाफारियाव गिबि मन्थ्र...

बायदियै साखि होनायनि मुडाव रां लानाय मोनसे बेसेबा गेदेर दायनिगिरि। मोनसे राइज्योनि गिबि मन्थ्र जानानै बेबायदि साखिनि मुडाव रां लानायखौ हेफाजाब होनाया जोबोद दुखुनांथाव आरो हादतनि जारिमिनआ जोबोद लोराबां जालादों होना गिबि मन्थ्र शर्माआ फोरमायबावदों। गिबि मन्थ्र शर्माआ कलकता गोजौ बिजिरसालिया 22 एप्रिलआव फोसावनाय फोसावथाननि सोमोन्दै फोरमायनानै 2016 माइथायनि सेकेन्डार आरो हायार सेकेन्डार फरायसालिन गासै थिसन्थायखौनो आइननि बेरेखा फोसावनायखौ बरायनायखौ नुनो मोन्दों। बिजिरसालिया फरायसालि सिबिथाइ गौमुमखौ गोदानै आर'जलाइ नाजावफिनो बिथोन होनायखौ नुनो मोन्दों। बिजिरसालिया बेखौबो फोसावदोंदि, जायफोर गोरोथि लामाजों साखि लानानै सरकारि खाबुफोरखौ लादोंमोन बिसोरो 6 दाननि दान बान्थाजों लो गोसे गासैबो खाबुखौनो गथाय फिनजोबानांनो होना बिथोन होदोंमोन। चन्देश कालिनि जाथायखौ लानानै गिबि मन्थ्र ऊ शर्माआ गोजौसिन बिजिरसालि आरो गोजौ बिजिरसालिया बिथोन होनाय बायदि सिबिआइनि गेजेरजों नायबिजिरसनांगो होना दाबि देखोदो। गोजौसिन बिजिरसालि आरो गोजौ बिजिरसालिन नायबिजिरसनाय हाबाफारियाव सोनाब बंगनि गिबि मन्थ्र आ हेंथा जानानै गसंथेनानै दड होना शर्माआ फोरमायबावदों। बे हाबाफारियाव बाहागो लानानै गिबि मन्थ्र ऊ शर्माआ सा-सान्जा राइज्योआव बिजेपिआ मोनसे थांखि जानाय नोजोरजों देहानो हागोन होना फोरमायदों। सा-सान्जा राइज्योआव बिजेपिआ मोन 25 मासिनि गेजेराव मोन 22 आवनो देहासागोन होना फोरमायनानै आसामआ मोन 14 मासिनि गेजेराव मोन 12 आवनो बिजेपिआ देहासागोन होना रोखायै मिबथिहोयो। मख'नो गोनांदि, लकसभा बिसायख थिआ दुलाराय हादतनाडैनो थानाय 19 एप्रिलनिफ्राय 1 जुनसिम गासै मोन 7 खोलोबआव खुंफुंजागोन आरो बे भट सान्नाया 4 जुनआव खुंफुंजागोन।

भेरगाव दखरा एबसुआ बर' बिजौंडव फरायनानै मेट्रिक आन्जादआव 10 थि मासि आवग्रिनो ...

बेंगिरि एसिएस रिखां मुसाहारिआ। लो गोसे बे हाबाफारियाव गहाइ आलासि महैर बाहागो लायो एबसुनि सोलोंथाइ नेहाथारि सोमावसार बसुमतरिआ। गहाइ आलासि महैर बाहागो लानानै बिथाइ सोलोंथायनि गोहोमा बर' हारिनि सायाव माबायदि गोलेदों आरो फरायसुला-फरायसुलिफोरखौ थांखिनानै बिबुंथि लाखियो। लो गोसे बिथाइ गोसो होनानै फरायोब्बा रोडैनि जेबो खोथा फैया होनानै बुडे आरो फरायसा समाव फरायनायखौ नागरानानै उन्दुनायखौल' गोसो होयोब्बा जिडआव माब्लाबाबो गोजोनै उन्दुनो हानाय नड होनानैबो बिथाइ बुडे। बे हाबाफारियाव एबसुनि लो गो हारिमु नेहाथारि बुडिराम बसुमतरि, उदालगुरि जिल्ला एबसुनि बुंथिगिरि रहित बसुमतरि, सोलोंथाइ नेहाथारि सेलभेसन मोसाहारि, लो गो थुनलाइ नेहाथारि जोहोलाव बर', बारा' लो गो आफदगिरि खबराय बर', बेहेगामि गुदि बर' थुनलाइ आफदनि नेहाथारि निरेड्र दैमारी, भेरगाव दखरा दुलाराय बर' आइजो आफदनि बारा' आफदगिरि कदमि बर', भेरगाव इण एकाडेमिनि गोरगुं मेहेरसा बर', भेरगाव दखरा एभसुनि आफदगिरि नगेन बर', भेरगाव दखरा एबसुनि गहाइ नेहाथारि देथुन बर'जों लो गोसे मावथि देदैनगिरिफोरजों लो गोसे गुबुन गुबुन फरायसालिन फरायसा-दिथागिरिफोरबो बाहागो लायो।

बकाजानआव हाथियारजों लो गोसे सा 5 ...

सामलायदोंमोन। एनएल 07 सिबि 8179 नम्बरनि बलेर' गारियाव दावबायारि महैर फैन्याय सा 5 सुबुंफोरखौ सिप्रोमनाय जायो। सिप्रोमनायनि जोजनयाव गंसे 9 एमए मियुलजों लो गोसे गं 3 मेकजिन आरो गार 43 गोथं गुलिफोरखौ बोखानो मोन्दों। पुलिसआ बेजों लोब्बा थानायनि अजदआव नागलेन्ड आरो मरिगाव जिल्लानि तंगा बांवां, एलट'सिसि, सैकौ डिमनि, तुकिंभि आवे आरो सात्तार आलि मुनि सा 5 दायनिगिरिफोरखौ हम्नानै जेर खालामगसिनो दड।

कक्राझारआव लक अदालत खुंगोन

आयेनारि सिबिथाय बिबानगिरि (डिएलएसए) नि नेहाथारि सुमित भुजाआ बुंदोदि, इन्डियान बेंक, आसाम ग्रामिन बिकास बेंक, बेंक अफ बर'डा, स्टेट बेंक अफ इन्डिया, युनियन बेंक अफ इन्डिया, युक' बेंक, पाञ्जाब नैश्नल बेंक, एपिडिसेल, बिएसएल बायदि गुबुन गुबुन फसंथानफोरजों लक अदालताव मिमांसा खालामनो थाखाय आगु लिटिगेशन आयदाफोरखौ लानाय जादों। बिथाइ बुंदोदि जिल्लानि गुबुन-गुबुन बिजिरसालिफोरनिफ्राय थाबथानानै थानाय केसफोरखौ मिमांसा खालामनो थाखाय लानाय जादों। आजावनाय केसफोरा एमएसिदि केस, एनआइ एक्ट केस, जुलिन केस, नोर्गोरारि केसफोरजों लो गोसे एमथि केसफोरजों लो गोसे दायगोनां जथायजाथाव केसफोर। जिल्ला आयेनारि सिबिथाय बिबानगिरि, कक्राझारआ बाहागोआरिफोर आरो नालिस होराफोरखौ नालाय-खमलायखौ गोजोनै सुखानो थाखाय बाहागो लानो खावलायदों।

एलप्रिजा मुसाहारिआ एम आइ एल (बड') आयदायाव जिल्लानि गेजेराव बयनिखुइबो ...

जौखोन्दो नम्बर मोनानै जिल्लानि गेजेरावबो बयनिखुइबो बांसिन नम्बर लाखिनानै ओम्सोलआव गोग्गानाय लोबोनायखौ नुनो मोन्दों। एलप्रिजा मुसाहारिआ राइज्योनि गेजेरावबो बर' एमआइएल आयदायाव 97 नम्बर मोनानायजों लो गोसेनो गसाइगाव महखुमानि थिगिबिफोर बेखौ लानानै गोग्गानाय फोरमायदों। गसाइगाव सदर सदरनि 4 नं वार्डनि प्रेम्नाथ मुहासरि आरो निलिमा मुसाहारिनि फिसाजो एलप्रिजा मुसाहारिआ इयुनआव सासे भारतआरि खुंथायारि बिबानगिरि जानाय सिमा सुजुंदों होना खौरं बिजौनि सिगाडाव फोरमायदों। मख'नो गोनांदि, 2018 माइथायव गसाइगावनि सोलेंथाइखौ मोजों मोनरा लाइमोनफोरनि नाए-नाथाद नाजानायव गसाइगावआव साइन्स एकाडेमि गायसन्तानै गसाइगाव महखुमायाव सोलेंथायनि सांग्राथि लाबोनो हानायखौ नुनो मोन्दों, जायनि जाहोनाय गसाइगाव साइन्स एकाडेमि मुनि गावआरि खोन्दोनि सोलेंथाइ फसंथानआ बोसोरफोमबो मेट्रिक आरो गोजौसिन गेजेरि आटैस आरो बिगियनि बिफनआव गोबां गहाम फिथाइ लाबोनो गसाइगाव महखुमानि मोनप्रेमबो हारि-माहारिफोरनि दिथागिरिफोरनि नोजोरखौ बोनो हादों आरो बोसोरफोमबो बे सोलेंथाइ फसंथानआव गोबां गोदान-गोदान फरायसा-फरायसुलिफोर सोलेंथाइ लानो थाखाय सिगां बोगासिनो दड-होना मिबथिनो मोन्दों।

(1 बिलाइनिफ्राय)

शिलचर रामनगर आइ एस बि टिनफ्राय 3 कौटि रानि ...

अजदआव सा 3 सिखाव फालांगिरिफोरखौ पुलिसआ हम्दों होना मिबथिनो मोन्दों। हम्नो मोननाय हिइनखौ साखाथिनि राइज्योनिफ्राय लाबोनानै काछारनि गेजेरजों गुबुन दरसे राइज्योआव दैथायहरनो नाजादोंमोन। शिलचर सदर थानायव हिइन दैथायनयनि अजदआव सा 3 दुंथांफोरखौ हम्नानै गोबांसिन खौरं दोन्थुमनो थाखाय जेरा खालामगसिनो दड-होना पुलिसनि खौरंआव फोरमायो।

सानै बिसि-फिसाइ फोरोंगिरिआ 3 थाखो बिल्डिनिफ्राय बाज्रुमदों

मोननाय जायाखै। नख'गिरि माखासे मिबथि मोनै जाहोनिनि थाखाय बेबायदि जाथाय जादों होना पुलिसआ सन्देह फोरमायदों। बे समाव गोब्राव थासारियाव फाहामथाय होबाव थानाय जरासे फोरोंगिरि बिसि-फिसाइआ थानाय 2 दाननिफ्रायनो बे बिल्डिआव भा रा थफेदोंमोन। मख'नो गोनांदि, बाज्रुमनाय बे सुबुनि अरयथान न'आव शिवसागर जिल्लानि हाव्पुटिआव। जांमिर कबजान कछारि गुदि फरायसालियाव बिथाइ फोरोंगिरि महैर खामानि मावदों। बिनि बिसिआबो सुमनि मिरि एलपि फरायसालिन फोरोंगिरि। पुलिसआ बे जाथायनि सायाव गोथौयै नायबिजिरसनायखौ जागायजेनबाय आरो बे जाथायखौ लानानै डिमोंआव सोमोनांथाव थासारि सोमजिदों।

सा-सान्जा राइज्योआव दावबाय बिफानखौ जौगाहोनो टास्क...

त्रिपुरजों लो गोसे गुबुन गुबुन मन्थ्र सामलाय आफदनि बिबानगिरि सामलायगिरिफोरबो बाहागो लानो हानायखौ नुनो मोनो। बे हाबाफारियाव गुबुन गुबुन गावआरि फसंथानफोरजों लो गोसे फिसा-फिसा मन्थ्र सामलाय आफद, फिसा आरो गेजेरारि इन्ट्रप्राइज, दावबायनयनि मन्थ्र सामलाय आफद, हारिमुनि मन्थ्र सामलाय आफद, भारतनि खारखानानि फोरमायथाय आरो फोसावदिआ आफदफोरबो बाहागो लानो हानायखौ नुनो मोन्दों।

सालवारनि एलेंमारियाव ड्राग्सजों लो गोसे सानै सुबुंखौ हम्दों

हरव होबथाजानाय ड्राग्स फानो फैनानै राइजो-रजाफोरजों हम्जादों। ड्राग्स फालांगिरि सानैखौ उमर पारुक आरो आम्पिउर इस्लाम होनानै सिनायथियाय जादों। बिसोर सानैनि न'खौ बरपेट रडनि साखाथियाव थानाय बिलासिपारायाव होना मिबथिनो मोननाय जायो। सुरां फालांगि सानैनिफ्राय ड्राग्सजों आबु खौरं मोनानां सा 3 ड्राग्स फालांगिरिफोर खार'नो नाजायो। उनाव पुलिसआ सा 3 बो ड्राग्स फालांगिरिखौ होसो-होसो हम्नो थाखाय 2 राउड गुलि गावनो गोनां जायो। पुलिसनि बे गुलि गावनायाव रावबो सुबुंआ जेबो जायाखैब्लाबो सानै दायनिगिरिआ खार'लानो हायो आरो सासैखौ पुलिसआ हम्नो हायो। हम्जानाय ड्राग्स दैथायगिरिनि मुखौ टमिजुर हम्स होना मिबथिनो मोन्दों। पुलिसआ बे नायबिजिरसनायाव मोन 55 साबोननि बागसुआव गासै 750 ग्राम हिइन बोखानो हादों होना सुलुडाव फोरमायदों।

काछारआव पुलिसआ ड्राग्स फालांगिरिखौ गुलि गावदों

धलाइ सन्निघटआव पुलिसआ ड्राग्सनि हेंथायै मोनसे गोखों नायबिजिरसनाय हाबाफारि लामलायदोंमोन। गंसे गावआरि आरो गंसे स्कुटिजों सा 3 फालांगिरिफोर ड्राग्स दैथायबाय थानाय समावनो पुलिसआ बे नायबिजिरसनायखौ सामलायदोंमोन। पुलिसनि नायबिजिरसनायखौ आगु खौरं मोनानां सा 3 ड्राग्स फालांगिरिफोर खार'नो नाजायो। उनाव पुलिसआ सा 3 बो ड्राग्स फालांगिरिखौ होसो-होसो हम्नो थाखाय 2 राउड गुलि गावनो गोनां जायो। पुलिसनि बे गुलि गावनायाव रावबो सुबुंआ जेबो जायाखैब्लाबो सानै दायनिगिरिआ खार'लानो हायो आरो सासैखौ पुलिसआ हम्नो हायो। हम्जानाय ड्राग्स दैथायगिरिनि मुखौ टमिजुर हम्स होना मिबथिनो मोन्दों। पुलिसआ बे नायबिजिरसनायाव मोन 55 साबोननि बागसुआव गासै 750 ग्राम हिइन बोखानो हादों होना सुलुडाव फोरमायदों।

(1 बिलाइनिफ्राय)

अरबिन्द केजरिवालआ गोजौसिन ...

जानाय दिल्लीनि गिबि मन्थ्रआ उदां अखांनि सिखाव फैन्यायखौ नुनो मोन्दों। मख'नो गोनांदि, गोजौसिन बिजिरसालिया दिने केजरिवालखौ आगु जांमिन होनायाव 50 साननि उनाव केजरिवालआ उदां अखांनि सिखाव फैन्याय। जौबथेसालिनफ्राय ओंखारनाय लो गो-लो गोनो केजरिवालआ गाव जैर बुंदों एरुसो जामारबाय होना खौरंगिरिफोरनि सिगाडाव फोरमायथियो। केजरिवालआ हनुमाननि अननायाव फिन राइजो-रजाफोरनि गेजेराव नुजाफिनो हाबाय होना इसोर हनुमाननिसिम साबायख'र बाउहरनायखौ नुनो मोन्दों। दुलाराय हादतनि अन्साइगिरिफोरनो गावनि गहामनि थाखाय इसोरनाव आर'ज गावनानै गावखौ गहोबाय होना केजरिवालआ फोरमायबावदों। जौबथेसालिनफ्राय गखानयनि उनाव गावनि बिबुंथियाव केजरिवालआ खौसेये हादतखौ इनायनिफ्राय रैखा खालामनो थाखाय जुजिनो नांगौ होना फोरमायदों। इनायनि हेंथायै गोसो-मोदोम जिड होनानै जुजि गासिनो दड आरो जुजिलांबाय थागोन। बेबायदिनो 140 कौटि सुबुंफोर खौसेये बेबायदि इनायनि हेंथायै जुजिथारनांगोन। आपनि देदैनगिरिआ टिहार जौबथेसालिनफ्राय ओंखारनाय फोरमायनाय बायदिब्ला, शनिवार पुर्नि 11:00 रियायाव केजरिवालआ दिल्लीनि कन्त प्लेसआव थानाय हनुमान मन्दिरआव सिबिथाय हेगोन। गासैबो सिबिथायफोरखौनो केजरिवालआ मन्दिरआव नुजाथिहैनो खावलायो। बेनि उनाव साननि 1:00 रियायाव दोलोआरि मावख'आव मोनसे खौरंगिरि मेल सामलायो। मख'नो गोनांदि, 21 मार्चआव इडिआ हम्नाय अरबिन्द केजरिवालखौ गोजौसिन बिजिरसालियाव जांमिननि थाखाय आर'ज गावदोंमोनब्लाबो बेनि बे आर'ज गावनानै गावखौ गहोबाय होना केजरिवालआ थदों। गोजौसिन बिजिरसालिया बे आर'जखौ नाजावनानै थानाय सानफेराव खोनासंहोयो आरो शुक्रवारआव केजरिवालखौ जांमिन होयो। आगु मोनो हानाय बे जांमिननि समाव केजरिवालआ बिसायख थि फोसावदिनायावबो बाहागो लानो हादों। अदेबानि दिल्लीनि गिबि मन्थ्र महैर जायखि-जाया अफिसियल खामानि मावफुनो हानाय नड। इडिआ केजरिवालनि बे जांमिनखौ हेंथा खालामदोंमोनब्लाबो बिजिरसालिया इडिन उखिलनि जुगथिखौ नेवसिदोंमोन। गुबुन फासैंथि थानाय 7 मेआव उथि खोलोबनि भट आजावनाय सोलिबाय थानाय समावनो केजरिवालखौ लकसभा बिसायख थिनि समाव मानो हम्खो होनानै इडिआ बिजिरसालिजों सौंथि खालामजादों। मख'नो गोनांदि, दिल्लीनि जौ आइन खेलेखारिनि सोमोन्दै गिबि मन्थ्र अरबिन्द केजरिवाल, बे समनि लो गो गिबि मन्थ्र मनिश चिशदियाजों लो गोसे गोबां आपनि देदैनगिरिफोरखौ अजद देखानानै 2022 आवनो दिल्लीनि लेप्टिनेन्ट गभर्नर थि.के. शाक्वेनाआ सिबिआइआव गवर्नर देदैनमोन। उननि समाव बे गसराओन इडिनि आखायाव थाडे। बे गसराओनो दामिबो मनिश चिशदियाआ जौबथेसालियाव थानानानै दड।

तामुलपुराव फैगौ दैबानाखौ लानानै सावराय ...

मावसुमाफोरखौ दैबाना थासारिनि सोमोन्दै सांग्रांथि जाना थानानै हेफाजाब होनो खावलायो। जिल्ला बेंगिरिआ बुंदोदि, अलकदआ माब्बा फैयो हम्दोनो हाया। बिथाइ जर'खायै गथ'सा आदारजों लो गोसे गोबांयाव थानाय आइजोफोरनि रैखाथि, गो गौ लोप्रा दै, मोल्बिबनि अनगायै जौथि-सोरं होनारनि रहा। लामाफोरखौ लुफामफिन्याय, मुलियारि बायदिनि सोमोन्दै जर'खा गौनांथि होनायखौ फोरमायदों। दैबानानि समाव जुनात धोनफोरबो गोबां ख'हा जायो। बेनि फारसे नोजोर लानानै जुनात फाहामथाय बिबानगिरिफोरखौबो सांग्रां जानानै थानो बिथाइ बोसोन होयो। बेजों लो गोसेनो आबाद, देहा, समाज अन्साय, दै सम्पद, दै जगायथाय आरो जगायथाय बायदि बिफानखौ बिथाइ जर'खा नोजोर लाखिनो बोसोन होदों। जिल्लानि गुबुन गुबुन ओम्सोलियाव थोजासे थि बिबानि नावनि रहा लानोबो नांजाबफा बिफानखौ जिल्ला बेंगिरिआ बिथोन होयो। दिनेनि मेलयाव जुथाय नेहाथारि सत्यजित चेतियाआबो बाहागो लाफैनानै अलकद सामलाय बिफानआ राइजो-रजाखौ हेफाजाब होनाया गावसोरनि बिबान होनानै मख'दों। नांजाबफा बिफाननि बिथोंमोनबा अलकदनिफ्राय सुबुंफोरखौ जिड दान होनो हायो। बेनि थाखायनो बेबायदि मोनसे गोथार मावबिबान फालिनायनि बिथिइव जोडे रावबो गोहेलु खालामनो नाडा। जुथाय नेहाथारिआ मोनप्रेमबो बिफाननि बिबानगिरिफोरजों गुबुन गुबुन जेना-जैसिखौ लानानै बाग्ना सावरायलायो आरो मेल जेबानयाव बिबानगिरि-मावसुमाफोरजों ओम्सोल बिथाखौ लानानै नायगिदिहेंनो ओंखारलाडे। दिनेनि मेलयाव लेडइ पुलिस बिबानगिरि मन्तुपम बर, लेडइ जिल्ला बेंगिरि ऊ दिपांकर नाथ आरो हिमासि खनिकर, तामुलपुर आरो गेश्वरनि रिभेनिड साकेलनि बिबानगिरि इलिमा कानदुलना मानसन्ज्यति बराजों लो गोसे सुबुं देहा कारिकरि, आबाद, जगायथाय, देहा, ना, दै जगायथाय, दै सम्पद, सुबुं लुफुंथाय बायदि गुबुन गुबुन बिफाननि बिबानगिरि-मावसुमाफोर बाहागो लाफैदों। मख'नो गोनांदि, जिल्लायाव दे बना सोमजिहोरा गहाइ दैसाफेर जाबाय- फगलादिया, पुतिमारि, सुक्लाइ, मतड आरो बाल्टि।

बिफा गैयै अजय पालआ हानि साखि बानायना ...

गोजौसिन गेजेरारि फरायसालिनफ्राय 100 जौखोन्दो उथ्रिसारनायनि गेजेराव फरायसा अजय पालआबो फरायसा महैर दड। बि फरायसानि न'आ कलाइगावनि साखाथि 1 नं. सिंरमारियाव। मख'नो गोनांदि, उदैनफ्राय अजय पालआ बिमा रुमा पालजों लो गोसे हानि साखि बानायनो सोलेंनानै आथिखालाव टिउसनजों लो गोसे फरा-फारि सोलेंनाने फरा-बिजाब, कलम, बिजाब बायनायनो थाखाय गावनो हानि साखि बानायनायनानै रां आर्जिनयजों खर'सा खालामगसिनो दड। बे आयदायाव फरायसाया फोरमान खालामना दिन्धिदोंदि, गोबां खामानि मावनयनि फिथाइया गुबायै गोदौ जायो। बि फरायसाया इयुनाव सासे फोरोंगिरि जानायनि मिजिं फोरमायदों।

लोरगि थियेटर गुपआ 15 थि गाइसन्थाय

आलासि महैर बाहागो लायो नेरसोन एन जिन 'नि बिथोनगिरि आरो इडपिपिएल दोलोन गहाइ नेहाथारि राजु नाजरीआ। हाबाफारियाव बाहागो लानानै राजु नाजरीआ दिने गाइसन्थाय सानआव लोमिं थियेटर गुपनि सामब्लागिरि, आफदगिरि-नेहाथारि आरो हान्जानि गासैबो महर्गिरि, मोसाखावरि, दामजु दामगिरिफोरनिसिम हामलायथि जासिनानै सिगां समफेरव जैबायदि बर' हारिनि हरिमुखौ फोथानां लाखिनय, मुलुग दरबाव गोसाहोनाय, बर'नि थुनफवायथयखौ फोथानानै लाखिनानै गोब्राव जेनानि गेजेरजौब्लाबो खामानि मावनानै हारिनि थाखाय बिहोमा होबोदों बेबायदिनो फैगौ समफेरवबो हारिनि थाखाय खामानि मावनानै हार्थौ हबोनानै थुलुगा होयो। गाइसन्थाय सान फालिनाय आरो मेट्रिक आन्जाद आव उथ्रिनाय फरायसाफोरखौ बरायनायनि लोब्बायै लोरगि थियेटर गुपनि गासै महर्गिरिफोरखौ लानानै थुनलाइयारि बादायलायनाय हाबाफारिबो खुंनाय जायो।

सलमान खान आरु रश्मिका मन्दनानि केमिस्ट्रीखौ 'सिकन्दर'नि सिगांनो नुनो मोनदों

फावखुंगुर सलमान खाननि फेंगौ सावधुन 'सिकन्दर'खौ फोसावनाय जाबाय। सावधुननि गाहाय फावखुंगुरिखौबो थि खालामनाय जाबाय। खोला सावधुननिफ्राय बलिउडआव आगान होनाय फावखुंगुरि रश्मिका मन्दनाखौ सलमान खाननि गाहाय फावखुंगुरि महरै नुनो मोनगोन। हास्थायगिरिफोरा सिगांनफ्रायनो बिसोरनि जराखौ गिबि खेबनि थाखाय गिदिर फेंसालियाव नायनो थाखाय गोसो गुदुं। भाइरेल जाबाय थानाय गोजाम भिडिअफोरनिफ 1य 'सिकन्दर'आव बिसोरनि केमिस्ट्रीआ मा बायदि जागोन नोंथाड अनुमान खालामनो हायो। बे जरानि मुंखौ फोसावनाय लोगो लोगो गोजाम मोननै भिडिअआ ससियेल मेडियायाव ट्रेडिं जानो हमदों।



बेयाव रश्मिका आरु सलमानखौ जयै मोसानाय आरु डायलग रायज्जालनाय नुनो मोनो। नुजानाय भिडिअफोरनि गेजेराव मोनसेआ बिथानि सावधुन 'गुडबाय' नि फोसावनायनि समाव जेराव बिथांजोखौ नीना गुसाजों 'बिग बस' नि फेंसालियाव सलमान

खानजों रायज्जालनाय नुनो मोनदों। बे समाव रश्मिकाया सलमानजों मोनसे फेन बुब्लिबो सेयार खालामदों। बिथाड सलमान खानखौ तेलुगुआव गावनि हिट डायल 'गफोरखौ रायज्जालनाय थिनदोंमोन। रश्मिका मन्दनानि खावलायनायाव सलमान

खानआ तेलुगुआव मोनसे नड नाथाय मोननै सावरायलायनाय रायज्जालनाय। बे समाव रश्मिकाखौ जोबोद गोसो गुदुं नुदोंमोन। भाइरेल जाबाय थानाय नैथि भिडिअआ मोनसे बान्था दिन्थिफुंनानिमोन। बे बान्था स्व'आव सलमान खानखौ रश्मिकानो बान्था

होनाय नुनो मोनदों। सानैखौबो फेंसालियाव जयै नुनो मोनो। बे समावनों 'पुष्पा' नि मेथाइ सामे सामे, मेथाइयाव रश्मिकाया बिखौ बे मेथाइनि हुक स्टेपखौबो फोरोडे आरु फिन सानैबो बेखौ खालामो। बे समाव मनीष पालखौबो बेयाव नुनो मोननाय जायो। सलमान खानखौ जोबोद गोसो मोनो। सिकन्दरनि अनगायैबो सलमानहा आरुबाव गोबां मावथांखिफोर दं जायफोरखौ दासिमबो फोसावनाय जायाखै। रश्मिका मन्दनानि बाश्रा बुब्ला, बिथांखौ रणबीर कापुरजों 'एनिमेल' आव नुनो मोननाय जादोंमोन। सिकन्दरनि अनगायैबो बिथांजोखौ थाबैनो कुबेर, रेनब, द गार्लफ्रेंड आरु सुकुमारनि पुष्पा 2 द रुल आव नुनो मोनगोन।

बलिउडनि सासे फावखुंगुरिया बिमा बाथुल, बिमा आरु बिदा-बिनानावफोरजों बुथार जादोंमोन

परवेज टाकखौ बृहस्पतिबाराव मुम्बाइनि सत्र बिजिरसालिया 2011 मायथाइयाव गावनि फिसाजो बाथुल आरु फावखुंगुर लैला खान, बिथानि बिमा आरु लैलानि साब्रै बिदा-बिनानावफोरखौ बुथारनायनि थाखाय दायनिगिरि खालामदों। टाकखौ भारतयारि साजा आयेननि सिडाय गुबुन दायफोरनि गेजेराव बुथारनाय आरु फोरमानफोरखौ फोजोबसानायाय थाखाय दायनिगिरि हमनाय जादों। परवेज टाकखौ 2012 माइथायाव खानाय जादोंमोन। बे जाथायखौ फेब्रुवारि 2011 मायथाइयाव परवेज टाकआ खालामदोंमोन। बिजिरसालिया 14 मेआव साजानि बिबांनि सायाव बाश्रा दान्थेलायनायखौ खोनासंहोगोन। टाकआ लैलानि बिमा सेलिनानि थामथि फिसायमोन। फावखुंगुरि, बिथानि



बिमा आरु बिथानि साब्रै बिदा-फंबायफोरजों लोगोसे गासै सा 6 सुबुंफोरखौ फेब्रुवारि 2011 मायथाइयाव महाराष्ट्रनि नासिक जिल्लानि इगतपुरीआव बिथामोननि बांलायाव बुथारनाय जादोंमोन। दायनिगिरिनि दाबिआ बेमोनदि टाकआ गिबियाव सेलिनानि सम्फथिफोरनि सायाव बाश्रा दान्थेलायनाय आरु उनाव बिथांजोखौ बुथारदों आरु उनाव लैला आरु बिनि साब्रै बिदा-फंबायफोरखौ बुथारदोंमोन। बे

जाथाया सोराडव फेंदोंमोन जेला जम्मु-काश्मीर पुलिसा बेखौ मावफुंनानि माखासे दाननि उनाव टाकखौ खादों। बुथारजानायफोरनि गोथै सह'खौ उनाव बांलानिफ्राय बोखानाय जादों, जाय जोबोद गाजि थासारियाव दंमोन। 1978 माइथायाव रेशमा पटेल महरै जोनोमोननाय लैला खानआ 2002 माइथायाव लैला पटेल मुंनि कन्नड़ सावधुन 'मेकअप'जों गावनि सावधुन जिउ राहाखौ जुरिजेनदों।

बबेखानि बेनि थाखाय बिथांखौ सो'खारिनाय जादों। 2008 माइथायाव बिथांजोआ थ्रिलर 'वफा ए डेडली लव स्टरी' आव राजेश खान्नाजों लोगोसे खामानि मावनो खाबु मोनदोंमोन। सुबुंफोरा बे सावधुनखौबो मोजां मोनाखै। बेयो बे बोसोरनि बयनिखुइ गाजिसिन सावधुनफोरनि गेजेराव मोनसेमोन। लैलानि जिउ राहाया बांद्राय जाफुंसार जायाखैमोन आरु फिन 2011 माइथायाव बिथाड बे जाथायनि बोलि जानांदोंमोन। बिसारनि समाव फ्राय 40 साखिफोरखौ आनजाद नायनाय जादों जेराव सेलिनानि सिगांनि सानै फिसायफोरबो दंमोन। परवेजआ दाबि खालामदोंमोनदि, बिथांखौ नंखाय फान्दायनाय जादों मानोना पुलिसनि नायबिजिरनायाव गोबां गोरोनथिफोर दंमोन। 2011 मायथाइयाव फावखुंगुरिया गोमानायनि उनाव नादिर पाटेलआ (लैला खाननि बिफा) पुलिसनि खाथियाव थांदोंमोन आरु नायबिजिरनो दाबि खालामदोंमोन।

अर्जुन कापुरआ सिंधम एगेननिफ्राय गावनि मोजां नुथायखौ फोसावदों



माखासे सम सिगां 'सिंधम एगेन' सावधुननि बानायगिरिफोरा फोसावदोंमोनदि, अर्जुन कापुरखौ रहित शेड्डीनि फ्रेंचाइजी सावधुनाव भिलेननि फाव खालामनाय नुनो मोनगोन। एखे समावनो, बे फोसावनायनि उननिफ्रायनो, सुबुंफोर बिथांखौ सासे दुथानि फावआव नायनो गोसो गुदुडै नेगासिनो दं। बे समावनो अर्जुन कापुरआ 'सिंधम एगेन' नि सेटनिफ्राय मोनसे बीटीएस सावगारिबो शेरार खालामदों, जेराव बिथानि गोखों नुथायखौ नुनो मोननाय जादों। बे सावगारियाव फावखुंगुरनि गोखों नुथायखौ नुनो मोननाय जादों जायखौ सुबुंफोरा जोबोद मोजां मोनो। अर्जुन कापुरआ

गावनि इन्स्टाग्राम हेन्डेलाव 'शुट लाइफ' नि सोमोन्दै मोनसे आपडेट शेरार खालामदों। अर्जुन कापुरआ इन्स्टाग्रामआव बयनिखुइबो नेबाय थानाय सावधुन 'सिंधम एगेन' नि सेटनिफ्राय गावनि 'शुट लाइफ' नि सावगारिजों गावनि अन्सायगिरिफोरखौ गोजोन होदों। अर्जुनआ गावनि इनस्टाग्राम हेन्डेलआव सल'फोरनि बाहागोआव मोनसे सावगारि शेरार खालामदों मानोना बिथांखौ नुनो मोनोदि, बिथांखौ सावधुनाव माबायदि नुनो हागौ बेखौ फोरमायनाय जादों। फावखुंगुरआ लानाय मिरर सेल्फीआव बिथांखौ शार्ट गैथै नुनो मोनदों। सावगारियाव गंसे पारफ्युम आरु कफी मगनि

मोनसे नुथायबो नुनो मोनो। बिथाड सावगारिजों केशनआव लिरदों, 'शुट लाइफ! अर्जुन कापुरखौ अजय देभगान आरु दीपिका पादुकुण स्टारार फेंगौ सावधुन 'सिंधम एगेन' आव भिलेननि फावआव नुनो मोनगोन। बे सावधुनाव करीना कापुर खान, अक्षय कुमार आरु रणभिर सिंहआबो दं। बे सावधुना रहित शेड्डीनि पुलिस मुलुगनि बाथि खोन्दो। बे सावधुनाव करीना कापुर आरु दीपिका पादुकुणआ गिबि खेबनि थाखाय जयै खामानि मावगोन। दीपिकाया रहित शेड्डीनि सावधुनाव 'लेडी सिंधम' नि फाव खालामगासिनो। रहित शेड्डीजों दिथा होजानाय 'सिंधम एगेन' आ 'सिंधम' (2011) आरु 'सिंधम रिटर्न्स' (2014) नि उनाव थामथि खोन्दो। बबेखानि बेयो रहितनि पुलिस मुलुगनि बाथि सावधुन जागोन। बेनि मोननै बाहागोआ सौगावनायनि उनाव दा सुबुंफोरा बेनि थामथि बाहागोखौ गोसो गुदुडै नेगासिनो दं। सावधुननि गोलाव गुवार स्टार कास्टनि नुथायाबो सोमोनांथाव

आल्लु अर्जुनआ पवन कल्याननि लकसभा बिसायख'थिनि केम्पेइनआव ओंखारदों

'पुष्पा राज'आ थाबैनो बक्स अफिसआव जाफुंसारदोंमोन। आथिखालाव गावनि सावधुन 'पुष्पा' नि फोसावनायाव मुखुब आव दं। बिथाड सावधुननि सोमोन्दै जेब्लाबो सावरायजाबाय थायो। बावैसो सिगां तेलुगु सुपारस्टार आल्लु अर्जुनआ जनसेना पार्टी (जेएसपि) नि गाहाइ आरु तेलुगु स्टार पवन कल्याणनो हामब्लायथि जासिहरदों, जाय गावनि बिसायख'थि दावबायनायनि सिगां अन्ध प्रदेशनि पिठापुरम विधानसभा बियाबनिफ्राय बिसायख'थि गेलेदों। बेजों लोगोसे बिथाड पवन कल्याणखौबो गावनि मदतखौ होदों। जायखि जाया सानैनि गेजेराव मोनसे जुनिया आरु खाथि सोमोन्दो दं। बृहस्पतिबाराव आल्लु अर्जुनआ पवन कल्याणनि थाखाय गावनि एक्स एकाउन्टआव मोनसे जर'खा खौरां लिरदों, बिथाड बुंदोंदि, नोंथानि



बिसायख'थि दावबायनायनि थाखाय आंनि गोसो गोबोंनिफ्राय हामब्लायबाय। नोंथानि जिउखौ सिबिनायाव बावनाय समाव नोंथाड सायख'नाय लामायाव आं जेब्लाबो गोग्गायो। सासे नख'रनि सोद्रोमा महरै आंनि अननाय आरु मदतआ जेब्लाबो नोंथांजों थागोन। नोंथाड जायखौ लुबैयो बेखौ मोनफुंनो

गाहाम देहानि राहा

कल्लु ड्रिंक्सआ सावस्त्रिनि थाखाय बिस गोनां आरु बेनिफ्राय माखासे गिथावना बेरामफोर जानो हागौ

हादतनि खावसे सुबुं अनजिमाया सावस्त्रि गैथै। बिथांजोआ माबा मोनसे बेरामजों जुजिगासिनो दं, नाथाय मानसिफोरा गावजों गाव साना। मानसिफोरा गावखौबो साना, गुबुनखौ नागार। बबेखानि भारताव 57 जौखोन्दोसो बेरामफोरा गाजि आदारनि थाखाय जायो। गोलोम बोथोर सौफैनाय लोगो लोगो, मानसिफ्रा गांनाय उखैनायखौ फोजोबनो थाखाय कल्लु ड्रिंक्सखौ गारो। फारसेथि फरायसनायनि बायदिब्ला, 350 मिलिलिटर साफ्ट ड्रिंकनि मोनसे केनाव 10 सामुस सिनिनि समान गोदै थायो आरु बुहुमनां सावस्त्रि आफादा बुडे दि गासै सानाव 6 सामुसल' सिनिआ थोजासे



जायो। आमेरिकान हार्ट एस'सिपशननि बायदिब्ला, फिजी ड्रिंक्सआ गोब्राब बेरामफोरनि गुदि जाहोन। बेयो खालि ल'ल'बारायाखे नाथाय लिभार आरु किडनीखौबो बेराम खालामो। स्टू'क आरु डेमेन्सियायनि खैफोदआबो बाडे। फास्ट फुडखौ जयै ज'खालामनाया बेखौ बांसिन गिखंथाव खालामो। रंजानाय आरु

थावनायखौ नागिरनायाव, हादतआव जिउ खुंनाय बेरामफोरजों बे'खनजानाय बेरामिफोरनि अनजिमाया थाद'थै बांगासिनो दं। कल्लु ड्रिंक्स लोंनाया माखासे बेरामनि जाहोन जानो हागौ। बेफोर जादों- मोदोम देरनाय, लिभारनि जेंनाफोर, किडनीनि जेंना, हाइ बिपि, बिखानि जेंनाफोर, डेमेन्सिया बायदि बायदि

टाइगार श्रफनि बिनानाव कृष्णाया रवैफोदजों गेलेनो थियारि जादों

टिभिनि बयनिखुइबो मोजां मोनजसिनाय स्टान्ट-बिथायारि रिपेलिटी श्व'खतरों के खिलाड़ी' नि फेंगौ सिजनआ थाबैनो जागायनो थांगासिनो दं। वेनि बादायगिरिफोरखौ कास्ट खालामनाय जागासिनो दं। गोबां स्टारफोरनि मुंफोरा ओंखारबोगासिनो दं। मख'नो गोनांदि, बे खेबाव सिगांनिफ्रायनो गोबां गोब्राब स्टान्टफोर नुनो मोनगोन। बे समावनो बलिउड फावखुंगुर जेकि श्रफनि फिसाजो आरु टाइगार श्रफनि बिनानाव कृष्णा श्रफनि मुंआबो फेंदों। कृष्णा श्रफआ सासे बादायगिरि महरै श्व'आव बाहागो लानो थियारि जादों। कृष्णा श्रफआ लाइमलाइटनिफ्राय गोजानाव थायो आरु सावधुनफोरजों जेबो सोमोन्दो गैया बेनिखायनो बेयो बिथानि थाखाय टिभिनि गिबि दिन्थिफुंनय जानो थांगासिनो दं। कृष्णाखौ रिपेलिटी श्व' 'खतरों के खिलाड़ी' नि सासे रोखा बादायारि बुंनाय जायो। बेखौ बुंनाय जादोंदि, कृष्णा श्रफजों लोगोसे 'बिग बस 13'



नि रानार-आप असीम रियाजआबो श्व'नि बाहागो जागोन। जायखि जाया कृष्णाआ गावनि बिदा टाइगार श्रफ बायदि जोबोद फिट। कृष्णा श्रफआ सासे फिटनेस मडेलजों लोगोसे बिथांजोआ मोनसे जिम आरु फाइट क्लाबनि बिगोमा। बेजों लोगोसे बिथांजोआ इडटयुवआव कन्टेन्ट क्रिएशनबो खालामो थामहिनबा बिथांजोहा मोनसे ब्लगिं चनेलेबो दं। कृष्णा श्रफनि फिटनेसनि बाश्रा बुब्ला, बियो गावखौ गोखों लाखिनो थाखाय गोब्राब नाजायो।

बिथांखौ जिमाव नांथावना थानाय नुनो मोनो। थार आदारखौ फालिनायजों लोगोसे कृष्णा श्रफआ गिलिर वार्कआउट आरु लिरथाय फोरोंथाय होयो। 31 बोसोर बैसोनि कृष्णाआबो सशेल मिडियायाव जोबोद सांग्रॉ। कृष्णानि सशेल मिडिया प्रफाइला बिथानि ग्लैमरस फटशुट आरु वार्कआउट भिडिअ'फोरजों बुंफबनाय। कृष्णायाबो बिदा टाइगार बायदि मार्शल आर्टनि फोरोंथाय लादोंमोन। बेबादि थासारियाव कृष्णा श्रफआ सोमोनांथाव देहाजों 'खतरों के खिलाड़ी 14' नि गुबुन

बादायगिरिफोरनो गोब्राब बादायलायनाय होनो नाजागोन। कृष्णा श्रफनि अनगायैबो 'खतरों के खिलाड़ी 14' नि बादायगिरिफोरनि फारिलाइआव असीम रियाज, अभिषेक कुमार आरु निम्रित कौर अहलुवालिनायनि मुंखौ थि खालामनाय जादों। एखे समावनो गोबां गुबुन टिभि स्टारफोरनि बागै दासिमबो अनुमान खालामनाय जागासिनो दं। बेफोरनि गेजेराव सएब इब्राहिम, धनश्री, मनीषा रानी, जिया शंकर, अभिषेक मल्हन बायदि गोबां मुंफोरदं।

बे जाहोननि थाखायनो आल्लु अर्जुनआ गावनि बिबथैखौ खुलायै हेफाजाब होगासिनो दं। जायखि जाया बे नख'राव सासेनि बांसिन सुपारस्टार दं। पवन कल्याणखौ थाबैनो 'हरि हर वीरा मल्लु' आव नुनो मोनगोन, जेराव बिथाड बबी देअलजों मोगा-मोगि जागोन। सावधुना गोबां दान्थे-बिदान्थेफोरजोंबो बे'खन जानायमोन। सावधुनखौ 2019 माइथायाव फोसावनाय जादोंमोन नाथाय कभिड-19 बेरामनि जाहोनाव बेनि दिहुनाया गोबाव जादोंमोन। तेलुगु सुपारस्टार आल्लु अर्जुननि फेंगौ सावधुन 'पुष्पा 2 द रुल' आबो थाबैनो रिलिज जागोन। बावैसो सावधुन दिहुनगिरिफोरा सावधुन 'पुष्पा-पुष्पा' नि गिबि मेथाइखौ फोसावदों। बेनि टीजारआबो ओंखारबाय, जाय दानिफ्राय सुबुंफोरखौ गोसो गुदुं खालामगासिनो दं।

थाखाय आंनि गाहाम हामब्लायनाय। पवन कल्याणआ तेलुगु मेगास्टार चिरनजिबि आरु नागेन्द्र बाबुनि फंबाय। बिथाड फावखुंगुर राम चरण, भरुण तेज, साइ धरम तेजनि बिबथै आरु बे सोमोन्दोआव आल्लु अर्जुननि बिबथै बायदि मोनो। आल्लु अर्जुनआ आल्लु अरभिन्दनि फिसाज्जला आरु आल्लु

अरभिन्दनि बिनानाव आरु आल्लु अर्जुननि बिमादै सुरेखा चिरनजिबिनि बिसि। पवन कल्याणखौ सुरेखानि बिगुमै बायदि मोनो थामहिनबा बियो चिरनजिबि फंबाय। बे सोमोन्दोनिफ्राय बिथाड आल्लु अर्जुननि बिबथै जादोंमोन। गासै नख'रनि गेजेराव जोबोद खाथि सोमोन्दो दं। बयबो गासैबो फोरबोफोरखौ जयै फालियो।

इउक्रेनआ दावहानि गेजेरजों गावसोरनि सानै गागि मन्थिफोरखौ बिबाननिफ्राय बोख्लायदों

क्विवभ, 10 मे: इउक्रेनआ दावहानि समाव रांखांन्थि बेबस्थानि मिरुआव थानाय सानै गागि मन्थिफोरखौ बिबाननिफ्राय बोख्लायो। इउक्रेननि संसदआ थानाय बृहस्पतिबारखालि बेनि सायाव गनायथि होयो। एमपिफोर गोबां मदत मोन्नायजों लेडाइ गहाइ मन्थि आलेकजेन्डर कुब्राकव आरो आबादारि मन्थि माइकला सलस्किखौ बिबाननिफ्राय एंग्लायनायनि सायाव गनायथि होयो। बेजों लोगोसे लेडाइ गहाइ मन्थिनाव थानाय मख'जाथाव बिफानखौ मोन्ने बाहागोआव बोखावना होयो। कुब्राकवनिचाव रासियानि जोबथेना लाखिनायनि गेजेरजों बानायफिन्नाय बाहाफारि आरो ब्लेक सि शिपिं गायसन्तो नजानायजों लोगोसे माखासे बिबानफोर दडमोन। बेनि सोमोन्दे कुब्राकवआ बुंदोंदि, गावसोरखौ बिबाननिफ्राय



बोख्लायनायनि सिगां बिजों जेबो सावरायनाय जायाखै आरो गावनि हाबा मावनाय समनि प्रेजेन्टेशनखौ संसदआव जेबो खाबु होयाखै। संसदआ आबादारि मन्थि सलस्किखौ बिबाननिफ्राय एंग्लायनायखौबो गनायथि होदों। बिनि हेंथायै सरकारि हानि सायाव आयेन बेरेखायै दखल खालामनायखौ नाइबिजिरनाया सोलिगासिनो दड। आथिखालाव बे सानै

मन्थिफोरनि जायगाखौ सोर लागोन बेयो दासिमबो रोखा जायाखै। सरकारनियाव बे समाव मन्थिफोरनि मोनबा जायगाया लांदां जानाई दड। बेराफासं इउक्रेननि हादगिरि वलदिमिर जेलेन्सकिआ बयजोंबो अनसायजाग्रा आगुनि सान्थि गहाइ भेलेरि जालुज्जयिखौ बिटेननि राजथान्दै महरे थिसन्दों। इउक्रेननि संसदआ सान्थियारि मावसुमाफोरनि

गोनांथि जानायनि गेजेरजों मोनसे मख'जाथाव थांखि लादों। संसदआ बे समाव मोनसे बिलखौ पास खालामो, जाय माखासे केदिफोरखौ सान्थि हान्जायाव थिसन्यायनि गनायथि होगोन। बे थांखिखौ औरैबायदि समाव लादों, जेब्ला रासियानि हेंथायै दावहायाव इउक्रेन सान्थिफोर आरो हाथियारफोरनि आंखालजों भुगिनांगासिनो दड।

एयार इन्डिया एक्सप्रेसनि पाइलटफोरा बन्द'खौ बोखांना लाफिनबाय

गोदान दिल्ली, 10 मे: एयार इन्डिया एक्सप्रेस सालायग्रा दोलोनि सोद्रोमायारि मोनसे थाखोआ बन्द'खौ बोखांना लाफिनो आरो खामानियाव फैफिन्तो थांखि लाबाय। एयारलाइन अटरिदिखौ सालायग्रा दोलोनि सोद्रोमायारि आयदानि सायाव नाइबिजिरनायनि उनाव बे थांखिखौ लानाय जादों। बेराफासं एयारलाइनआ सालाइग्रा दोलोनि सा 25 सोद्रोमाफोरखौ बिबाननिफ्राय बोख्लायनाय लाइजामखौ बोखांना लाफिन्नायनि सायाव गनायथिनाय फोरमायो। टटा गुपनि बे'खनाव थानाय एयारलाइनआ थानाय मंगलबार हरनिफ्राय गं 170 उरां जाहाजफोरखौ होबथाना लाखियो। एयारलाइनआव गोब्राबे सालायग्रा दोलोनि सोद्रोमाफोरनि बेमार जानाय खौरां मोन्नायनि उनाव एयार इन्डिया एक्सप्रेसआ उरां



जाहाजफोरखौ होबथाना लाखियो। माहारियारि राजथावनिचाव थानाय बृहस्पतिबारखालि मिरुनि मावख'आव सालायग्रा दोलोनि सोद्रोमायारि दोलोफोर आरो एयारलाइन थान्दैफोरनि गेजेरव गासै 5 घन्टासिम सोलियो। बे इउननआ आरएसएसजों सोमोन्दे गोनां बिबाननिफ्राय सायाव एंग्लायनाय लाइजामखौ बोखांना

लाफिन्नायनि सायाव गनायथि जायो। बे जथुमाया एयार इन्डिया एक्सप्रेस इमफ्लइज इउनन (एआइइउ) आरो एयारलाइन अटरिदिनि थान्दैफोरनि गेजेरव गासै 5 घन्टासिम सोलियो। बे इउननआ आरएसएसजों सोमोन्दे गोनां बिबाननिफ्राय सायाव एंग्लायनाय लाइजामखौ बोखांना

उकिल भारतीय नेहाथारि गिरिश चन्द्र आर्यआ बुडोदि, एयार इन्डिया एक्सप्रेसनि सा 25 सालायग्रा दोलोनि सोद्रोमाफोरखौ बिबाननिफ्राय बोख्लायनायखौ बोखांना लाफिन्नाय जाबाय। बिथाड बुडोदि, मोन्ने बाहागोजों आयदाफोरनि सायाव सावयफिन्तो थाखाय फैगौ 28 मेयाव जथुम्मा जाफिनगोन।

मनिका बत्राआ ग्रेन्डस्लेम टुर्नामेन्टआव जेन्नांबाय



गोदान दिल्ली, 10 मे: भारतनि टेबल टेनिस गेलेगिरि मनिका बत्राआ ग्रेन्डस्लेम टुर्नामेन्टआव मोजाडे दिन्थिफुनायनि जाउनावबो आइजो सिंगेल्सनि क्वार्टर फाइनलाव जापाननि हिना हयाताजों 1-4 स्करआव जेन्नांनानै जायखारनांबाय। बेनि सिगां बिथाड एलीट डब्लिउडब्लिउट टुर्नामेन्टनि क्वार्टर फाइनलाव जायगा आवग्रिनो हानाय गिबि भारतीय आइजो टेनिस गेलेगिरि जानो हादोंमोन। नाथाय गावनि बे फर्मखौ मनिकाआ क्वार्टर फाइनलाव लाखिनो हायाखै। जाउनाव मुलुगनि बाथि नम्बरनि हयाताजों बिथाड 11-7, 6-11, 4-11, 11-13, 2-11 स्करआव जेन्नाडे। प्री-क्वार्टर फाइनलाव मनिकाआ मुलुगनि 14 थि नम्बरनि गेलेगिरि नीना मिट्रलहामखौ फेजेन्दोंमोन। नैथि राउन्डआव मुलुगनि नैथि नम्बरनि गेलेगिरि वां मान्युखौ फेजेन्नायनि उनाव बत्राआ जार्मननि बादायारि नीनाखौ 22 मिनिटआवोनो 11-6, 11-9, 11-7 स्करआव फेजेन्दोंमोन। बे देरहानाया बत्रानि खेबत्रे बादायनायाव बिथानि हेंथायै गिबि देरहानायमोन। बेबादि थासारिआव मनिकाआ वर्ल्ड रैंकिंगआव 39 नम्बरनिफ्राय गावनि मोजां फर्मजों टप-25 नि फारिआव सौहैनो हासिगोन।

टाटा गुपनि मोनसे कम्पानीनि सिइअआ 25 कौटिनि दानबाब्था मोनो

गोदान दिल्ली, 10 मे: खौरां टेक्न'लजि कम्पानी टाटा कन्साल्टेन्सी साबिसेज (टिसिएस) नि गहाइ सिइअ आरो अट'रिदिनि बिथोनगिरि कृतिवासनआ रांखांन्थि बोसोर 2023-24 आव 25 कौटि रनिखुइ बांसिन दानबाब्था लायो होन्ना कम्पानीया थानाय बृहस्पतिबारखालि खौरां होदों। राजेश गपिनाथनि हरखाबै टिसिएसनिफ्राय आलादा जानायनि उनाव कृतिवासनआ थानाय बोसोरनि जुन दानाव हादतनि बयनिखुइ देरसिन आइटि सिबिथाइ कम्पानीनि गहाइ महरे बिबान सामलायदोंमोन। बिथांखौ 5 बोसोरनि थाखाय थिसननाय जादों। टिसिएसनि बोसोरालि रिपर्टनि बायदिल्ला कृतिवासनआ थानाय रांखांन्थि बोसोरव 3.08 कौटि रनि मुलाम्फाजों लोगोसे 1.27 कौटि रनि दानबाब्था आरजियो आरो बियो 21 कौटि रनि कमिशनबो मोनो। बेयाव बुंनय जायोदि, कृतिवासननि आयआव टिसिएसनि बयनिखुइ



देरसिन बैंकिं रांखांन्थियारि सिबिथाइ आरो बिमानि मुलुगयारि गहाइ महरे बिनि खस्थ'खालामनायाबो दंफायो। मख'जाथाव बाथ्राया बेनोदि, कम्पानीनि गहाइ सालायग्रा बिबानगिरि (सिअअ) ए जि सुब्रमण्यमआ थानाय रांखांन्थि बोसोरव 26.18 कौटि रां खामायो। थाबैनो कम्पानीनिफ्राय आजिरा लानो गोनां सुब्रमण्यमआ गासै बोसोरनाइ वै बिबानावोनो दडमोन। बियो 1.72 कौटि रनि दानबाब्था आरो मुलाम्फा महरे 3.45 कौटि रां आरो कमिशन महरे 21 कौटि रां मोनो। कम्पानीनि सिअअनि

इज्राइलनि रफाहआव गाग्लोबनायाव आइजो आरो गथ'फोरजों लोगोसे सा 12 सुबुंफोरनि जिउ खहा

रफाह, 10 मे: इज्राइलनि हागाइ मन्थि बेन्जामिन नेतन्याहुआ रफाहआव गाग्लोबैनि थाखाय आमेरिकानि हादतगिरि ज' बाइडेननि आरज गाबनायखौ नेवसिगारो। गाजानि खोला सहर रफाहआव दखल खालामनायनि उनाव इज्राइलनि सान्थिफोरा गिखंथाव उरां जाहाजजों गाग्लोबो। बेनि सोमोन्दे फिलिस्ताइन थागिबिफोरा बुडोदि, इज्राइलनि सान्थिफोरा थानाय बृहस्पतिबारखालि रफाहनि ओन्सोलफोराव गिखंथावै बम गावो। बे गाग्लोबनायाव आइजोफोर आरो गथ'फोरजों लोगोसे सा 12 सुबुंफोरनि जिउ गोमायो। इज्राइलनि रफाहआव बे गाग्लोबनायनि उनाव आमेरिकाजों इज्राइलनि सोमोन्दोआ गाचि जानो हागौ। गाग्लोबनायनि सिगां



इज्राइलनि गहाइ मन्थिआ आमेरिकानि हादतगिरि ज' बाइडेननि बै हुमखि होनायखौबो नेवसिगारो, जेराव बिथाडा रफाहआव गाग्लोबनायाव हाथियारफोर जगायना होनायखौ होबथानो आरो सिगाडाव होनाय हाथियारफोरखौ बोखांना लाफिन्तो थाखाय बुंदोंमोन। बेन्जामिन नेतन्याहुआ गाग्लोबनायनि सिगां

बिसोरनि सान्थिफोरनाव हामासजों गावहा नांनो थाखाय थोजासे हाथियार दड होन्ना बुंदोंमोन। इज्राइलआ हारसिडेनो हामासनि थाखाय थोजासे होन्ना बुंभावदों। इज्राइलआ आथिखालाव गावसोरनि बिथांखि बाइदिये रफाह आरो गाजा पट्टिनि गुबुन बाहागोफोराव हाबाफारिखौ

आवगायसिगोन।

आब्दु रजिकआ थाबैनो जुलि जासिगोन

आब्दु रजिकआ इन्स्टाग्रामाव मोनसे भिडिअ शेयार खालामदों, जाय गोखैयै भाइरल जागासिनो दं। रोजाबगिरिया गावनि जुलिनि सोमोन्दे सशेल मिडियायाव आपडेट फोसावदों। 'बिग बस 16' नि मुंदांखा आब्दु रजिकआ गावनि जानो गोनां बिसि आरो जुलिनि बागै अन्सायगिरिफोरनो मोजां खौरां होदों आरो बिथाड थाबैनो जुलि जानो थांगासिनो दं होन्ना फोरमायदों। बेनि अनगायैबो मुलुगनि बयनिखुइबो उन्दैसिन रोजाबगिरि आब्दुआबो गावनि हिन्जाव गोदाननि थाखाय बायनाय हिरानि आस्थामनि मोनसे नुथाय दिन्थिदों। आब्दु रजिकनि जुलिनि खौरांआ सुबुंफोरनि गेजेराव मोनसे सोमावसारनाय सोमजिहोदों। 20 बोसोर बैसोनि सशेल मिडिया सेन्सेशन आब्दु रजिकआ 7 जुलाइआव जुलि जासिगोन। रोजाबगिरिया गावनि गावनि समाजारि बिजोडव



भिडिअखौ शेयार खालामनाय समाव बे फोरमायथिखौ होदों। छटा भाइजान मुडै मिथिजानाय आब्दु रजिकनि बे जुलिनि भिडिअआ सुबुंफोरनि गेजेराव सावरायजादों। बे समावोनो मुलुगनि बयनिखुइबो दुइसिन रोजाबगिरि आब्दु रजिकनि हिन्जाव गोदानआ सोर? बेनि बागै अन्सायगिरिफोरनि गेजेराव गोबां सावरायनाय जादों। आब्दु रजिकनि हिन्जाव गोदानखौबो फोरमायनाय जादों। सलमान खाननि मोजां

मोन जासिननाय बादायगिरिफोरनि गेजेराव सासेआ शारजाहनि आब्दु रजिकनि बिसि जासिगोन। आब्दु रजिकआ सासे 19 बोसोर बैसोनि एमिराती सिख्लाखौ जुलि खालामनो थांगासिनो। बिथाड इन्स्टाग्रामाव मोनसे नट शेयार खालामदों आरो लिरदों, आं आंनि जिउआव माब्लाबाबो सानाखैमोनदि, आं औरैबायदि खाफाल गोनांदि आं मोनसे अन्नाय मोनगोन जाय आंखौ मान होयो आरो जेब्लाबो

आंजों थागोन। 7 जुलाइआ आंनि थाखाय जोबोद जुनिया जासिगोन। आब्दु रजिकआ सासे मुंदांखा सशेल मिडिया स्टार आरो रोजाबगिरि। रोजाबगिरि आब्दु रजिक टिभिआ रियेलिटी श्व' 'बिग बस' जों गिबि खौरां मोन्दोंमोन आरो बिथाड उन्दै बैसोआवोनो कौटि-कौटि सम्फथि आर्जिनो हादोंमोन। आब्दु रजिकआ सलमान खाननि श्व' 'बिग बस 16' आवबो बाहागो लादोंमोन।

जिम्बावेआ 40 बोसोराव बयनिखुइबो गाजिसिन रानस्त्राव बोथोरजों मोगा-मोगि जानांदों

हरारे, 10 मे: जिम्बावेआव 40 बोसोरनि बयनिखुइ गाजिसिन रानस्त्राव थासारिजों जुथाइ हादराबो सोमोनांदों। बेवहाय दैमाफोर आरो फुखिफोराव हादरि बिरगासिनो दं। बेनि थाखाय फार्म आरो बाखिफोरा बालाहामायाव सोलायबाय आरो आबादफोरा रानलांबाय। बेयो सुबुंफोरखौ उखैनाय आरो आंखालनि गोबां खैफोदआव खोखलैदों। जुथाइ हादरा थासारिखौ नायनायै जिम्बावेनो सुबुं अनफावरि हेफाजाब होनो थाखाय मुलुगखौ खावलायदों। इउएन सुबुं अनफावरि एजेन्सिआ बृहस्पतिबाराव बुंदोंदि, जिम्बावेआ 4 जिथाइयाव बयनिखुइ गाजिसिन रानस्त्रावजों मोगा-मोगि जानांगासिनो दं आरो हादरनि खावसेसो सुबुं अनजिमाया दै आरो आदारनि गोनांथार गोनांथि दं। जुथाइ हादरा जिम्बावेनि थाखाय 430 मिलियन डलारनि हेफाजाबनि थाखाय खावलायदों। इउएन



अफिस फर दि क-अरिडेनेसन अफ हिउमेनिटरेरियान एफेयासआ बुंदोंदि, हादरनि 15 मिलियन सुबुंफोरनि गेजेराव 7.6 मिलियननो जिउराहाखौ फोथाना लाखिनो आरो जिउ रैखा खालामनो थाखाय सुबुं अनफावरि हेफाजाबनि गोनांथि दं। एजेन्सिनि मावख'गिरि एडवर्ड मैथ्यु कैलानआ बुंदोंदि, जों बयनिखुइबो गाजिसिन गोहोम गोगलैनाय

जिल्लाफोराव 3.1 मिलियन सुबुंफोरनि थाखाय गोखै हेफाजाब होनो खावलायगासिनो दं। बुंनय जायोदि, एल नीन'आ खोला आफ्रिकानि बांसिन ओनसोलाव रानस्त्राव खालामदोंमोन जायनि जाहोनाव मानसि आरो जुनारफोरनि थाखाय गोब्राव जाग्रा आदार आरो दैन आंखाल जादों। जिम्बावेआ मोनसे आबादिनि सायाव सोनारनाय

हादर आरो मोनसे समाव जाग्रा मुवाफोरनि दैथायहरगामोन। जुथाइ हादरा जिम्बावेखौ जाग्रा आदार हेफाजाबनिफ्राय लानानै नोगोद रां दैथायहरनायसिम आरो सानखौराडरि गोहो गोनां ब'होल लुनायसिम गासैखौबो हेफाजाब होनो खावलायदों, बेयो सुबुंफोर आरो जिब-जुनारफोरनो लोंग्रा दै जगायगोन।

ज्यति याराजिआ केरियारनि ब्रैथि साबसिन दिन्थिफुनायजों सनानि मेडेल देरहादों

गोदान दिल्ली, 10 मे: भारतनि नेसनेल रेकर्ड हल्लार ज्यति याराजिआ गोखोडै दिन्थिफुनायजों नेडारलेन्डनि भुष्टआव खुंजानाय हेरि शुटि गोम्सआव सिजननि गिबि आउटडुर इभेन्टआव सनानि मेडेल देरहादों। ज्यतिआ 100 मिटारनि हार्डल रेसआव बे जाफुंसारनायखौ मोन्दों। थानाय बोसोराव हंजौ एसियान गोम्सआव सिलभार मेडेल देरहानाय 24 बोसोर बैसोनि याराजिआ वर्ल्ड एथलेटिक्स-इ केटेगरीनि इभेन्टआव सनानि मेडेल देरहानायनि थाखाय 12.87 सेकेन्ड सम दिह्नुनाने गावनि केरियारआव ब्रैथि साबसिनै दिन्थिफुनाय रेकर्ड थिसन्दों। ज्यतिआ नाथाय पेरिस अलिम्पिकनि थाखाय 2.77 सेकेन्डनि क्वालिफाई मार्कखौ मोनफुंनो हायाखिसै। अब्लाबो



बिथाडा वर्ल्ड रेंकिंगि गेजेरजों पेरिस अलिम्पिकनि थाखाय क्वालिफाई जानायनि लामायाव सौहेयो। वर्ल्ड एथलेटिक्सनि रड-2 पेरिसनि फारिआव ज्यतिआ सोलिफु समाव 26 थि मासिआव दड। पेरिस अलिम्पिकआव आइजोफोरनि 100 मिटार हार्डल रेसआव सा 40 बादायारिफोरा इभेन्टआव बाहागो जाहैगोन। जायनि गेजेराव सा 15 आ वर्ल्ड रेंकिंगि गेजेरजों क्वालिफाई जागोन।

गुबुन फासै सा 25 एथलीटफोर क्वालिफाई मार्क खौ मोनफुंनोगोन। ज्यतिनि नेसनेल रेकर्डआ 12.78 सेकेन्ड सम जाननै दड। जेराव बे रेकर्डखौ बिथाडा थानाय बोसोराव जालानाय वर्ल्ड इडनिभासिदि गोम्सनि समाव थिसन्दोंमोन। बिथाडा थानाय फेब्रुवारि दानआव तेहरानआव जालानाय एसियान इन्डर सेम्पियनपिआव 60 मिटार हार्डल रेसआव सनानि मेडेल देरहादोंमोन।

निरज चप्राआ भारतआव गेलेनायखौ गावनि जर'खा मोन्दाथि फोरमायदों

गोदान दिल्ली, 10 मे: डाइमन्ड लीगआव गेलेनानै पेरिस अलिम्पिकनि थियारिखौ जागायनायनि थांखि लानाय भारतनि जेभलिन खुबैग्रा गल्डेन बय निरज चप्राआ टुर्नामेन्टआव बाहागो जानायनि सिगां प्रेक्टिसनि जाउनाव गुबुन हादरआव थानायनि थाखाय गावनि स्टार गेलेगिरिनि सावगारिखौ भारतआव मिजिंथि बादियै लाखिनो हायैनि मोन्दाथिखौ फोरमायदों। बिथाडा गावनि हादरआवनि प्रेक्टिस खालामनायखौ हादरनि थाखाय जर'खा मोन्दाथिनाय जायो होन्नानै फोरमायदों। सोलिफु वर्ल्ड आरों एसियान सेम्पियन निरजआ शुकुबारखालि दहा डाइमन्ड लीग इभेन्टआव बाहागो जाबाय। जेराव बे इभेन्टआ बिथांनि गिबि बोसोरनि सिजन जागोन। निरजआ डाइमन्ड



लीगआव ओंखारनाय सिगां गेलेनायखौ गावनि गिबिसिन गोनांथि फोरमायो। लोगोसे भारतआव गाव प्रेक्टिस खालामो मोनब्ला एवा गेलेयो मोनब्ला गावनि प्रफाइल आ साबसिन जागोमोन होन्नानै फोरमायो। मानोना बिथाडा हादरनि गोबां हाबाफारिनि गेजेरजों बरायनायफोरखौ एवा मान होनायखौ गो जोन्नाय फोरमायदों। निरजआ बेनि अनगायैबो हादरआवनि प्रेक्टिस

खालामोब्ला हादरनि सिडाव जानाय हाबाफारि आरों जुलिफोरनि हाबाफारिफोराव नख'र आरों लोगोफोरजों लोगो हमनो खाबु मोन्नायखौ गो जोन्नाय फोरमायो। नाथाय सोलिफु बोसोरखौ अलिम्पिकनि बोसोर फोरमायनानै बिथाडा प्रेक्टिस खालामनायखौ जर'खा फोरमायनानै बे थांखिजोंनो गुबुन हादरआव गावनि सम हगारनांनयखौ फोरमायो।

निरजआ गावनि फोरमायनाय बादिब्ला, टकिय अलिम्पिकनि सिगां गावनि प्रेक्टिसखौ हादरआवनि खालामदोंमोन होन्नानै फोरमायनायजों लोगोसे सोलिफु समाव बेफोरनि सायाव नोजोर होयालासे गेलेमुनि सायावल' गावनि नोजोर थानायखौ फोरमायो। लोगोसे उनि समाव भारतआव प्रेक्टिस खालामगोननि खोथा होयो। निरजआ डाइमन्ड लीगआव बाहागो लानायनि उनाव हादरसिम गिदिबोनानै 12-15 मेनि गेजेराव भुबनेस्वरआव खुंजानो गोनां फे डारसन कापआव बाहागो जागोन। थानाय बोसोथामनि गेजेराव बिथाडा गिबियै भारतआव टुर्नामेन्टआव बाहागो जागोन। निरजआ भारतआव गावनि गोबां अन्सायगिरि थानायखौ हमदांनो

हायो। जाउनाव बिथाडा बिसोरनि नुजाथिनायावनि साबसिनै दिन्थिफु'नो नाजाबावगोन। निरजआ फोरमायनाय बादिब्ला, गाव भिरट कहली एवा महिन्द्र सिंह धनीबादि मिथिजायाब्लाबो गोबाडानो गावखौ सरसन्सायैब्लाबो मिथिनो मोनो। निरज चप्राआ दासिमाव गावनि केरियारआव अलिम्पिकआव सनानि मेडेलजों लोगोसे माखासे बान्थाफोर देरहाबाय। नाथाय दासिमावबो 90 मिटार जान्थाय बासो हायाखै। जायनि जाउनाव बिथाडा सिगांनिफ्रायनो गावनि खोथा होनाय बादियै डाइमन्ड लीगआव 90 मिटार जान्थायखौ बासो नाजागोन। बेनि उनाव नख'रनि इभेन्टआवबो मोजाडै दिन्थिफुनो नाजागोन।

मुलुगनां रेसलिं फसंथानआ बजरं पुनियानि सायाव गोखौ थांखि लादों

गोदान दिल्ली, 10 मे: रेसलिं मुलुगनां फसंथान इउडब्लिउडब्लिउआ डप टेस्ट खालामजायैनि थाखाय बजरं पुनियाखौ अरायथा नडै समनि थाखाय बेन फोसावदों। बिथांखौ नेसनेल एन्टि डपि एजेन्सिनि थांखि लानायनि उनाव इउडब्लिउडब्लिउआ बे गोखौ थांखिखौ लादों। नाथाय बेबादि थासारिनि जाउनावबो साइआ बजरं पुनियानि गुबुन हादरआव ट्रेनि खालामहैनायनि थाखाय 9 लाख रां अन्सुथाय हरनायनि आर'जलाइखौ गनायथिबाय। हादरनि मुंदांखा रेसलारफोरनि गेजेराव सासे बजरंखौ नाडाआ थानाय 23 एप्रिलखालि बेन फोसावदोंमोन। बेनि सिगां थानाय 18 एप्रिलखालि थानाय जायगाफोरजों सोमोन्दोनि सायाव बजरंनिसिम रोखा फोरमान होनांगोनि नटिस दैथायहदोंमोन। गावखौ रेखाथि होनायनि थाखाय टकिय अलिम्पिकनि ब्रन्ज मेडेलिस्ट बजरंआ गावनिफ्राय माब्लाबाबो



टेस्टनि थाखाय सेम्पल हरनायखौ नेवसिगाराखै होन्नानै दाय होफिन्दों। लोगोसे डप टेस्ट खालामग्रा एजेन्सिनिसिम गावनिफ्राय सेम्पल लानो थाखाय लाबोनाय एक्सपायार कीडनि सायाव सोंथि खालामनायनि सायाव रोखा खालामदों। बजरंआ फोरमायनाय बादिब्ला, इउडब्लिउडब्लिउडनिसिम गावनि सायाव बेन खालामनायनि सायाव मोनबो खोंगं मोनाखै। नाथाय मुलुगनां रेसलिं

फसंथानआ फोसावलाइनि आपडेट खालामनायनि गेजेरजोंसो गावनि सायाव थांखि लानायखौ मिथिनो मोन्दों। बजरंआ फोरमायनाय बादिब्ला, गावनि सायाव फेगौ 31 डिसेम्बरसिम बेन फोसावदों। लोगोसे बे समाव एन्टि डपिनि नेमखान्थिखौ सिफायनायनि सायाव नाडानिफ्राय नटिस फोसावदों। मख'नो गोनांदि, मिसन अलिम्पिक काउन्सिलआ थानाय 25 एप्रिलखालि गावसोरनि जथुमआव बजरं

पुनियाखौ रासियानि डागेस्टानआव 28 मेनिफ्राय ट्रेनि हैनायनि थाखाय रंखान्थियारिनि आर'जलाइखौ गनायदों आरों बिथांनि थाखाय 8 लाख 82 रोजा रंखान्थि अन्सुथाय हरनो गनायथिदों। एमअसिनि बे जथुम्मानि बादिब्ला, बजरंनि आर'जआव 24 एप्रिलनिफ्राय 35 सानसिमनि थाखाय गुबुन हादरआव ट्रेनि खालामनायनि दाबि दैखादोंमोन। नाथाय माखासे सोमोन्दो थानाय नेमखान्थिफोरनि थाखाय आरों सिडिउडलडनि सायाव नोजोर होनानै बिथांनि दावबायनायखौ थानाय 24 एप्रिलनिफ्राय 28 मेसिमनि गेजेराव खमायनानै होनाय जादों। बे थांखिआव बजरंनि कच काजि क्रिन आरों बिथांनि ट्रेनि खालामग्रा जिटेडरनि दावबायनायनि खरसा जानायखौबो सोफनाय जादों।

भारतीय हान्जाया गोदान कच मोनसिगोन



गोदान दिल्ली, 10 मे: भारतनि क्रिकेट हान्जाया फेगौ जुन दानआव जानो गोनां टी-20 वर्ल्ड कापनि थाखाय थियारि जाबाय। बे टुर्नामेन्टनि थाखाय भारतआ गेलेगिरिफोरनि फारिलाइखौबो फोसावबाय। बेबादि थासारियावनि गोदान कच मोनसिगोननि खौराड सोराडव फेदों। बिसिसिआइनि गाहाइ नेहाथारि जय साहाआ फेगौ जुन दाननि उनाव भारतीय हान्जायाव गोदान कच मोन्नो हागौनि मिजिंथि होदों। बिथाडा मुम्बाइआव बिसिसिआइनिफ्राय थाबैनो गोदान कचमि मुंखौ फोसावगोननि खोथा होदों। सोलिफु समाव रहलु द्रविडआ हान्जानि गाहाइ कच जानानै दड। नाथाय बेनि बिबानआ फेगौ जुन दानआव थुंगेहैगोन। बेबादि थासारिआव भारतआ सोलिफु समाव गाहाइ कच नागिरगासिनो दड। बिसिसिआइनि नेहाथारिआ बेनि थाखाय आर'ज गावनि हासिगोननि सायावबो रोखा खालामदों। लोगोसे कचिं स्टाफनि गुबुन सोद्रोमाफोर फारियै बेटसमेन, बलिं आरों फिलिडआबो कचनि सुबुरुन बादियै गोदान कच सायख'जानायनि उनावसो जागोननि खोथा होदों। नाथाय बिथाडा कचआ भारतीय एवा गुबुन हादरस्यारि जानो हागौनि सायाव मोनबो रोखा खालामाखै। लोगोसे बे थांखिआ सिएसिनि सायाव थागोननि खोथा होयो। अब्लाबो बिथाडा गुबुन गुबुन फर्मेटनि थाखाय बर्डनिफ्राय गुबुन गुबुन कचफोरनि सायाव नायबिजिरनो हागौनि सायाव जाथावना नडा होन्नानै इसारा होदों। बिथाडा सोलिफु आइपिएल लीगआव गेलेगिरिफोरनि दिन्थिफुनायखौ नोजोर लाखिनानै केप्टेन आरों कचफोरजों सावरायनायनि उनाव बेनि सायावबो नोजोर लाखिगोननि खोथा होदों।

गोदान दिल्ली, 10 मे: भारतनि मुंदांखा बेडमिन्टन गेलेगिरि सात्विकसाइराज रेन्किरेडि आरों सिराग शेडिआ गुबुन हादरआव अलिम्पिक थियारि खालामहैनायनि सोलायै नख'रआवनि थियारि जानो थांखि लाबाय। आलेक्जेन्डर डन आरों आडाम हालनि जराजों सात्विक आरों सिरागआ फेगौ 22-30 जुननि गेजेराव मुम्बाइआव थियारि जागोन। जेराव बिसोर सातैनि जराआ आगुं आरों एग्रियावाननि जराजों बेनि उनाव 5-20 जुलाइसिमनि गेजेराव हाइद्राबादआव थियारि जागोन। पेरिस अलिम्पिकआव मेडेल देरहागोननि मिजिंथिजानाय कमनवेल्थ आरों एसियान गोम्सआव सनानि मेडेल देरहानाय सात्विक आरों सिरागआ नामिभियानि बे मोननै जराजोंनो गावसोरनि थियारिखौ गोखौसिन खालामगोन।



भारतनि बिसोर सातैनि जराआ इउरपियान सेम्पियनसिपनि सिलभार मेडेलिस्ट स्कटलेन्डनि आलेक्जेन्डर डन आरों आडाम हालनि अनगायै थमास कापनि मेडेलिस्ट इन्डेनेसियानि रेन आगुं आरों बेरि एग्रियावाननि हँथायै गावसोरनि गोरोन्थिफोरखौ सुद्रायनो नाजागोन। गुबुन हादरनि मोननैबो जराखौ सात्विक-सिराग आरों बिथांमोननि डेनमार्कनि कच मथायस बएनि खालायनायाव लिंहरनाय जादों। साइआ मोननै हान्जाजों बादायनायनि थाखाय

थियारिनि आर'जलाइखौ गनायथिबाय। थामहिनबा बे बादायनायाव खरसा जानायखौ बानस'नो 6 खावसे लाख रां होनो थियारि जाबाय। बे मोननै जराआ थियारिनि उनाव थोंजोडै पेरिससिम दावबायगोन। मथायस बएआ मोननैबो जराखौ करियानि जराजों थियारि खालामनो लुबैदोंमोन। नाथाय भारतसिम दावबायनायनि थाखाय करियानि जराआ 10 रोजा आमेरिकान डलारनि दाबि दैखानायाव राइआ गोरोबाखै। जायनि फि थाइ महरै

जोबनायाव इन्डेनेसियानि जराआ 4000 डलारआव फैनो रासि जायो। हाइद्राबादआव बेडमिन्टन गेलेगिरिफोरनि थियारिनि थाखाय इन्डेनेसियानि साथाम स्पिरि पार्टनर, थामहिनबा थियारि खालामग्रा सोद्रोमाफोरखौबो थि खालामनाय जाबाय। सात्विक आरों सिरागनि जराआबो बिसोरजोंनो थियारि खालामनो गोनांमोन। नाथाय बिसोरनि गावसोरनि हादरसिम गिदिंफिन्नायाव गावसोरनि थांखिखौ सोलायनंगो जादों।

भिराट कहलीनि मोजां इनिंस गेलेनाया आरसिबिखौ प्लेअफनि रेसआव लाखिदों




गोदान दिल्ली, 10 मे: मुम्बाइनि उनाव पान्जाब रियेल सेलेन्जास बेंगालुरुआ सोलिफु आइपिएलनि 58 थि मेचआव पान्जाब किं सखौ 60 रानजों फे जेन्दों। बे मेचआव देरहानायजोंनो आरसिबिआ प्ले अफ आब सौहैनायनि गावसोरनि मिजिंथि गोथाडै लाखिदों। गुबुन फासै पान्जाब किंसनि प्लेअफआव सौहैनायनि सिमाडा मेचआव जेन्नायजों थुंगेबाय।

प्ले अफ नि रेसनिफ्राय जायखारनाय नैथि हान्जा जाबाय। आरसिबिनि देरहानायव कहलीआ बयनिबो गोसोखौ देरहादों। मानोना बिथाडा 47 बलआव खेबसिन 4 रान आरों खेबड' 6 रान लानायनि मददजों 92 रान लादोंमोन। कहली आरों रजत पातिदारनि मददजोंनो आरसिबिआ 20 अभाारआव 7 उइकेटजों 241 रान लादों।

बे समाव रजतआ 55 रान लाखिदों। बेनि फिन्नायाव पान्जाबनि हान्जाया 17 अभाारआव 181 रानआव अलआउट जादों। आरसिबिआ खेब 12 मेचफोराव खेब 5 देरहानायजों 10 पइन्ट आजिबाय। फफ डुप्लेसिनि दैदेन्नायाव रयेल सेलेन्जास बेंगालुरुनि हान्जाया पइन्टनि फारिलाइआव 7 थि मासिआव दड। गुबुन फासै पान्जाबआ खेब 12 मेचआव 8 पइन्ट आजिनायजों प्लेअफ रेसनिफ्राय जायखारनांबाय। अब्लाबो हान्जाया खेबनै मेचनि थाखाय फोथारआव अने'खारिआव गोन। पान्जाबनिसिम बे समाव हाइद्राबादनि थासारिखौ सुद्रायनायनि खाबुबो थागोन। जेराव बे मोननै हान्जानि गेजेराव लीग स्टेजनि जोबथा मेचआ फेगौ 19 मेआव खुंजागोन। बेनि सिगां बे हान्जाया 15 मेखालि राजस्तान रयेलसनि सेलेन्जआव ओंखारगोन।

ADYA SHRADDA



Dear Sir/Madam,

With deepest sorrow it is to inform you that our beloved son/brother Anshuman Brahma, has passed away on 3rd May, 2024 (Friday) leaving us bereaved. For the deliverance and peace of his soul, we are going to observe an Adya Shradha on 13th of May, 2024 (Monday) from 11:00 am till 5:00 pm at Gossaigaon Rajapara W/No.3.

The honour of your kind presence is requested at the Adya Shradha to enable us to overcome our grief.

Thank You

With Regards

Prabodh Kr. Brahma (Father)
Lakshmi Prabha Brahma (Mother)
Detchung Kr. Brahma (Elder Brother)
Bihung Kr. Brahma (Elder Brother)
Ankita Brahma (Younger Sister)
Danswring Brahma (Nephew)

Venue
Gossaigaon Rajapara W/No.3
Time: 11:00 a.m. to 5:00 p.m.